

西湖林小巖先生祠墓誌

吳廷康
題



高 遜 齋 書 齋
公 祠 正 堂

皖桐吳廷康書



高 遜 齋 書 齋
公 祠 正 堂



林川巖先生遺像



關汀許榮光謹繪

西湖林公祠墓誌

偉矣林君松寒石貞不卑小官柳
 下為鄰結纓遂志題帶成仁掃
 幼并命慷慨殉身嚼齒玉碎葬血
 碧新視此髮眉頑懦感均孤山之
 麓西湖之濱追蹤下墓垂輝千春

全葉薛時雨題



林公祠墓圖





古
錢塘門
三
三



林松巖先生墓碑式

同治癸年仲夏

皇朝騎登仕佐郎前發運縣知縣檢林公坤之墓
暨運使銜補用道權知杭州府事江右陳思燾建立
補用知縣錢塘縣丞程鍾瑞監造



西湖林公祠墓誌

四

林松巖先生墓誌

林小巖少尉墓碑式

同治陸年冬月

穀旦

壽邱贈登仕郎仁和縣典史林公闈明節忠骸墓

和杭州府事鍾麟

知仁和縣事姚光宇

知錢塘縣事陶雲升

建立

補用知縣錢塘縣丞程鍾瑞監造

西湖林公祠墓誌

五

同治朝平冬月

碑廿

林小巖少尉墓圖左

此處續經正任平湖縣丞前代理仁和
縣典史吳廷康捐廉建祠裝塑
公像俱奉以垂久遠

同治六年十二月

穀旦

前仁和典史小巖林公闔門殉節初葬處

同人公立

此碑立在仁和捕署大堂

西首免致污穢忠骸血地

西湖林公祠墓誌

六

前仁和典史小巖林公

同治六年十二月

禮部謹

奏爲遵

旨議奏事內閣抄出浙江巡撫馬 奏典史闔門殉難公捐建祠請
列入祀典一摺奉

旨禮部議奏欽此欽遵抄出到部據原奏內稱浙江省城紳士公呈
前署仁和縣典史林汝霖係福建上杭縣人由從九品分發浙
江委署典史頗著循整其父母就養在署家屬俱隨任所咸豐
十年二月粵匪攻圍省城該員隨同登陴守禦晝夜不怠城陷
時其父先期他出母與妻及二姊二女均自縊死該員公服危
坐罵賊不屈登時遇害這賊退其父還殮諸屍彙葬署傍經前

西湖林公祠墓誌

七

撫臣 奏蒙

恩贈主簿銜給雲騎尉世職家屬

旌表如例長子懋生効力浙東軍營嗣聞包村起義往附之欲立功
以雪父讐同治元年包村陷懋生殉難次年十二死辛酉杭
城之難同治五年冬復葺典史署堂西偏掘土得積屍六具一
朝衣者首在頸旁生氣凜然有當時經葬之老役認係林汝霖
忠骸因述死狀甚悉同官及地方紳士謀改葬於孤山林處士
墓側建立祠宇以慰忠魂等情由該撫轉據該官紳呈詳奏請

前來^臣等檢查成案自軍興以來凡官員臨難捐軀見危授命及家屬闔門殉節經各省督撫奏請建祠附祀奉

旨交部議奏各案歷經^臣部復核分別奏准在案今該故員林汝霖位居下僚獨秉至性從容畢命視死如歸闔門節烈深明大義核與建祠成案相符^臣等公同酌議擬如該撫所請准將已故主簿銜仁和縣典史從九品林汝霖由該地方紳士捐建祠宇列入祀典以勵忠節而順輿情所有^臣等核議緣由是否有當伏候

訓示恭候

西湖林公祠墓誌

八

命下

^臣部行文該撫遵照辦理爲此謹

奏同治七年六月初五日奏本日奉

旨依議欽此

前江蘇巡撫許乃釗 四品卿銜前國子監司業沈祖懋 四

品銜前翰林院庶吉士劉崧駿 前四川成綿龍茂道濮詒孫

二品頂戴前江蘇蘇松太道吳 煦 江蘇補用知府候補

直隸州知州邵燮元

呈爲典史闖門殉難公捐祠墓懇請

奏明立案准列祀典事竊照前署仁和縣典史林汝霖係福建上杭人由從九品分發浙江先署南潯巡檢頗著循聲咸豐九年委署仁和典史父母就養在署姊二及妻周氏子四女二俱隨侍十年二月粵匪攻圍省城該員隨同登陴守禦晝夜不怠迨

西湖林公祠墓誌

九

二十七日城陷該員攜子跪請其父速挈四孫出避以延宗祀

父不許泣請不已乃挈四孫匿獄中該員出送之比歸署母與

妻及兩姊一長女均就縊矣搶地長號旋公服危坐堂皇手一

巨觥伏案痛飲書絕命聯句云未能矢志勤王事惟有捐軀答

聖朝俄賊至大聲怒罵賊欲加刃旁賊謂係忠臣不可殺竟舍

去續賊大至索金該員佯目堂後賊爭趨入則積屍縱橫搜金

不得駭且慄突出斷其首置案上尸僵坐不仆越數日賊退父

挾四孫自獄中出斂諸屍命舊役藁葬署旁父旋卒長子懋生

字暢亭時年十六謁

前撫憲王 泣述死事狀據以

奏郵蒙

贈主簿銜給雲騎尉世職家屬

旌表如例且命懋生効力浙東軍營諸暨兵潰欲回杭城以賊圍城

不果嗣聞包村起義往赴之欲立功以雪父讐同治元年包村

陷懋生殉焉次于年十二死辛酉杭城之難三子四子尚幼寄

養於紹興之鄉得不死五年冬復葺典史署堂西偏掘土得積

屍六追視之一朝衣者首在頸旁生氣凜然衆愕不敢動有老

役朱華過而詭曰此吾舊官林公也囊葬時某實與其役今七

西湖林公祠墓誌

年矣因述死狀甚悉同官及地方紳士謀改葬於孤山林處士

墓側建立祠宇加冢碣焉伏查該典史位在下僚毓成至性從

容畢命固視死以如歸義列闔門胥臨節而不奪

聖世崇褒已沐

旌揚之典貞風咸仰宜膺禮祀之榮謹採訪該典史殉難事實十條

聯名公叩仰乞

大公祖大人恩賜察核

奏明立案並請春秋列入祀典以慰忠節而維風化頂戴上呈

計呈

事實清摺一扣

今將前署仁和縣典史林汝霖闖門殉難事實逐條採訪錄呈

憲鑒

今開

一該員林汝霖字小巖福建上杭人父坤字松巖任安徽歙縣嶺巡檢有政聲以老致仕汝霖援例得從九品分發浙江咸豐七年署南海巡檢緝匪安民人誦其德是該員弓冶貽謀能繼父志入則爲克家令子出則爲幹濟循良

一該員於咸豐九年署仁和典史父母就養在署有胞姊二均

西湖林公詞墓誌

十一

已嫁而孀偕來依倚該員俸糈甚薄而色養無虧瞻卹同氣平時內行純篤如此

十年二月粵匪攻圍省城該員隨同登陴守禦巡察奸宄晝夜不懈並善爲撫輯獄囚不使乘變先亂是該員盡力職守不以官界稍怠

二十一年二月二十七日賊陷杭州該員攜子跪請其父俱死非計速挈孫出避父不許泣請再四乃挈四孫匿獄中僞若繫纍者以延宗祀亦因其父其子可以無死而該員與眷口預存同殉之志於此益堅

一該員送父至獄比歸母與妻及兩姊一長女均已就縊五人同殉於難節烈萃於一門

一該員目擊母妻等五人同時畢命方搶地哀號五中奮亂之際而猶公服陞堂伏案痛飲並書絕命聯句曰未能矢志勤王事惟有捐軀答聖朝賊至怒罵不已賊以爲忠臣不可殺後賊大至索金該員佯曰堂後賊爭趨入則積屍縱橫搜金不得駭且憾遂被賊害是該員從容待死早存純固不易之見

一十年二月賊退該員之父挾四孫自獄出丐資斂屍命舊役

西湖林公詞墓誌

士

薨葬署旁其父旋卒其因子死家亡慘痛而死尤足矜憫

一該員長子懋生字暢亭時年十六賊退後謁巡撫泣述死事狀爲請於

朝得荷

旌卹如例且命懋生効力浙東軍營嗣聞包村起義往赴之欲立功雪父讐亦有志之士也同治元年包村陷懋生殉焉次年十二亦死辛酉杭州之難是該員一門先後死難者九人輿論至今哀之

一該員於十年二月二十七日被賊賊斷其首置案上尸僵坐

不仆越數日賊退始斂五年冬復葺典史堂西偏掘土得積屍六一朝衣者首在頸旁事越七年尚復生氣凜然是其忠魂毅魄有歷久不可泯者

一賊圍城方亟汝霖謁仁和縣李福謙語次及賊福謙慷慨長吁攬衣帶示之曰吾佩此久矣蓋福謙前任金華時適賊至嘗左佩印右佩鳩以督戰守至是復然故云汝霖聞而默然福謙聞之則正色起對曰某誓不負公兩人卒皆如其言是其大義自是足稱名教完人

以上該典史殉難事實十條訪之輿論異口同聲洵無媿

西湖林公詞墓誌

三

於忠貞宜邀榮於俎豆理合登明

同治七年四月初一日奉

升授閩浙總督部堂浙江巡撫部院馬 批

前署仁和縣典史林汝霖一門忠節可敬可憫應如所請列入祀典以垂不朽仰布政司核明詳

奏粘單並發

升授閩浙總督浙江巡撫臣馬新貽

奏爲典史闔門殉難公捐祠墓籲懇

天恩准其列入祠典以慰忠魂而維風化仰祈

聖鑒事竊據省城紳士公呈內稱前署仁和縣典史林以霖係福建

上杭縣人由從九品分發浙江先署南潯巡檢頗著循聲咸豐

九年委署仁和縣典史父母就養在署姊二及妻馬氏子四女

二俱隨任所十年二月粵匪攻圍省城該員隨同登陴守禦晝

夜不怠二十七日城陷其父先期他出母與妻及二姊一女均

自縊死該員公服危坐書絕命聯句云未能矢志勤王事惟有

西湖林公祠墓誌

尚

捐軀答

聖朝俄賊至大聲怒罵賊欲加刃旁賊謂係忠臣不可殺竟舍去續

賊大至索金該員佯目堂後賊爭趨入則積屍縱橫搜金不得

駭且憾突出斷其首置案上尸僵坐不仆越數日賊退父還斂

諸屍命舊役藁葬署旁父旋卒經前撫臣奏蒙

恩贈主簿銜給雲騎尉世職家屬

旌表如例長子懋生効力浙東軍營嗣聞包村起義往赴之欲立功

以雪父讐同治元年包村陷懋生殉難次年十二死辛酉杭

城之難三子四子尚幼五年冬復葺典史署堂西偏掘土得積

屍六具迫視之一朝衣者首在頸旁生氣凜然衆愕不敢動有
當時經葬之老役朱華認係林汝霖忠骸因述死狀甚悉同官
及地方紳士謀改葬於孤山林處士墓側立祠宇以慰忠魂伏
查該典史位居下僚素秉至性從容畢命固視死以如歸義烈
問門胥臨難而不奪

聖世榮褒已沐

旌揚之典貞風咸仰宜膺禮祀之榮仰乞

奏明立案並請春秋列入祀典以慰忠魂而維風化經布政司楊

昌濬核明詳請具

西湖竹公祠墓誌

五

奏立案列入祀典等情前來 臣 查前署仁和縣典史林汝霖 門

忠節可憫可敬既經各紳士捐修祠墓用妥忠魂似應俯如所
請列入祀典以順輿情而垂不朽理合恭摺具

奏伏乞

皇太后

皇上聖鑒訓示謹

奏

同治七年閏四月初一日恭摺具

奏五月初七日差弁齊回原摺後開軍機大臣奉

自禮部議奏欽此

翰林氏名汝霖字公巖福建上杭人父地字松巖任於故州

縣丞有政聲以七改仕君幼讀詩明大義處劍得九品官

發浙江咸豐七年署西海鎮總辦九年督仁和縣與史文忠

公任所歿人妻周氏及子國文二隨于本年一月十七

日隨君歸于海壽其家其死非計也望祭者難以從公祀矣

中君之世歸營助以表及

...

...

...

西湖林公祠墓誌

夫



同治七年閏四月初一日來摺具

...

皇清卹贈登仕郎前署仁和縣典史林君傳

君姓林氏名汝霖字小巖福建上杭人父坤字松巖任安徽茹麻嶺巡檢有政聲以老致仕君幼讀書明大義援例得九品官分發浙江咸豐七年署南潯鎮巡檢九年署仁和縣典史父母就養任所姊二人妻周氏及子四女二隨等十年二月二十七日城陷君攜子跽請其父俱死非計速挈孫出避以延宗祀父不許流涕固請乃挈諸孫匿獄壁中君送之出歸署則母妻及兩姊長女均自縊矣槍地長號旋危坐堂皇列印於案手酒痛飲大書於壁云未能矢志勤王事惟有捐軀答聖朝俄賊至君怒罵擊以印不中賊前加刃旁一賊言此忠臣不可殺竟舍去復有數賊至君伴顧堂後賊爭趨入則積屍縱橫搜金不得駭且憾突出斷君首置案上尸僵坐不仆及賊退父挈諸孫自獄中出殮諸屍命役墓葬署旁父旋卒長子懋生年十六謁前巡撫王公有齡泣述死事狀有齡爲請於

朝是年五月

詔贈君主簿給世職家屬

旌表如例懋生奉檄効力浙東軍營次年諸暨兵潰欲回杭以賊圍城不果嗣聞包村起義往赴之志欲立功以雪父讐同治

元年包村陷殉焉次子遠生年十三亦死辛酉杭城之難次女及兩
幼子以寄養越中戚屬家得不死五年冬復葺典史署堂西偏
掘土得屍六追視之朝衣冠者首在頸旁生氣凜然衆愕不敢
發有老役朱華過而誌曰此前典史林公也藁葬時某與其役
今七年矣因述死狀甚悉同官暨紳士等醵金卜葬於孤山林
處士墓側立祠宇加冢碣焉周氏仁和人父名肇仁以從九品
殉難雲南嘗任安徽土橋巡檢與君父同官故以女妻君死時
有娠數月幼女今適會稽鍾氏分發江西從九品銘球之次子
論曰林氏爲閩右族代有聞人君負伉爽才顧不及大用而辱
西湖林公祠墓誌

太

於末更卒能閉門殉難志節皎然則亦何媿其冢聲哉初圍城
中君謁仁和令李福謙語次及賊李慷慨長吁攬衣帶視之曰
吾佩此久矣蓋李君前令金華時賊至嘗左佩印右佩鳩登陴
以督戰守至是復然故云君聞而默然李問之則斂容起對曰
某誓不負公兩人卒皆如其言而君死事尤烈於戲一命之尉
望重青雲如林君者可以風矣

仁和董慎言撰

秀水沈景脩書

西湖孤山新建林典史祠墓記

昔明闕陳二公以典史抗節江陰我

朝建祠賜諡褒卹有加不以逆命爲嫌於此仰見

先皇教忠之至意而二公者生屈未僚死彰大節說者以爲視達官貴

人尤可重焉越二百餘年而浙江復有仁和典史林君闕門殉

節事此孤山祠墓之所由建也林君官闕里居及行誼死事諸

狀別詳傳中茲不贅述方同治五年冬重葺典史署掘地得屍

六詢之老役知爲君全家藁葬處於是同官紳士憫其忠烈謀

爲改葬卜地於孤山林處十墓西時則攝仁和縣事補用同知

西湖林公祠墓誌

七

姚君光宇候補同知俞君翔麟邑人候選運同吳君熙翰金爲

倡而當道諸公暨遠近好義君子解囊爭助凡得番銀若干圓

諏日程功先營墓道依山築壙甃以甌甌繚以周垣孤山故多

梅繞墓復時梅數十本墓前立碣爲表衛以石闌墓旣成構屋

爲祠厥規四方翼然如亭中置龕奉木主三面屏以門望之若

果昂然步欄畫檻旁矚遠映居然一名勝矣地本瀕湖形勢窪

下從攝府司獄事升用知縣吳君廷康議築土塹高圍以巨石湖

濬雜植桃李楊柳以護之臨水磴道數十級齒齒然若斷虹之

飲湖波焉董是役者爲補用知縣錢塘縣丞程君鍾瑞鳩資度

地飭工庀材經始於六年十月初七日凡兩閱月而訖事明年
春邑人陸源又以君父巡檢君坤之柩來告程君躬往審視詢
悉十一年夏間巡檢君嘗與源同居以病疽卒源經紀其喪厝
柩於室今屋盡圯蔓草中牀題儼然驗之信實遂遷葬於君墓
之上是役也不斂於民不役於衆躬親探訪而董戒之則程君
之力爲多焉咸豐間當時旣爲林君請卹如例至祠成紳上前
江蘇巡撫許公乃釗前國子監司業沈公祖懋前署江蘇布政
使上海道吳公煦前四川成綿龍茂道濮公貽孫四品銜前翰
林院庶吉士劉君崧駿江蘇候補直隸州知州邵君燮元合詞請
西湖林公祠墓誌

于

於今

閩浙總督前撫馬公新貽爲之奏請於

朝列入春秋祀典以昭忠節由是林典史之名足與閩陳二公並垂

不朽謂非生則屈於末僚死終彰其大節者乎夫以處士之遺

徽餘韻爲邦人士所矜式乃八百年後以少尉微秩其忠魂毅

骨得與玉簪遺蛻照甞湖山不可謂非林君之厚幸已說者乃

謂受姓相同故得依附末光是不知清風亮節本出一原設使

林君與處士易地以處當必能軌輓齊趨焉古今人何遠不相

及也而又豈依附之足云余忝守茲土適觀其成因程君之請

同治七年二月初二日閩省現任首領各官公祭祝文

主祭官布政使經歷宋道燧署杭州府司獄吳廷康陪祭官布政使理問吳保輔照磨邱景蕃布庫大使胡承寅按察使經歷徐夢照磨王錫瓚司獄姚之烺鹽運使經歷鄭福田運庫大使萬宗邑仁和場大使費兆銓杭州府經歷王本昭照磨汪立瀛知事丁廷渠城中務大使周濟源城南務大使周銳江漲務大使張植仁和縣縣丞雷銑主簿程載春典史楊士周錢塘縣縣丞程鍾瑞主簿龔志伊典史劉統文

歲在著雍執如春二月己卯朔翼日庚辰宜祭之辰

道燧等謹

西湖林公祠墓誌

三

以清酌庶羞瓣香束帛致祭於

皇清卹贈登仕郎少尉林小巖先生之靈曰嗚呼遺愛尚留海濼立

巖公之社芳規不沫汝陰設宋父之祠自昔名流皆隆脣饗况

在位輕黃綬望重青雲誓九死無二之心勵百折不回之氣殉

忠殉節一家之碧血常新爲英爲靈千古之丹忱不泯如我

小巖先生者有不生爲人傑沒則鬼雄者乎惟君挺生閩嶠

筮仕浙垣士元本非百里之才仇公竟作一命之尉筠管在手

翰墨緣深蓮花插腰風雲志壯義聲振世秩何愧乎末班令望

承家代久傳夫通德屬以袂徒不靖浩劫頓臨赤白囊馳紛來

銅馬蒼黃局變遽化沙蟲君夙秉金心怒張劍膽男兒分應效
死逆賊誓不俱生賢母姊娈俱明大義令妻弱息並作貞魂痛
飲巨觥遂奮常山之舌肅將公服終銜溫序之鬚嗚呼烈已今
者鄭公丹旒魂遊碧落而未歸國子元纁骨瘞黃泉而不朽羅
喉之弓刀自動巴西之鬚髮忽張類等爰集同心議埋毅骨青
山莽莽碧葬淒淒渺矣鶴魂近隣處士神仙之眷巍然馬鬣遠
依鄂王父子之塋嗚呼白雲不留綠波依昔魂兮歸來當亦嘯
傲於清風明月間而歆此醴醪矣乎尚饗

西湖林公祠墓誌

三

具稟西湖孤山林典史祠墓住持吳良玉

稟爲援案求給香燈以資供奉事竊照杭城庚申失陷前署仁和

典史林汝霖闖門殉節情最可憫曾於同治六年蒙

各大憲以及官紳擇地孤山林處土墓側捐資建造祠墓前後

左右種植梅花奏奉

諭旨列入祀典春秋賜祭一切事實詳載誌書恭呈

憲鑒祠墓告成飭

正

看管當卽小心敬奉未敢怠忽但查該處游

人如雲萬一照料不週卽被攀折花枝損壞器物必得添雇工

人幫同照料庶免貽誤祠內並無恆產人工飯食日行支絀經

西湖林公祠墓誌

二四

管數年實難支持伏思西湖各祠院向蒙

憲轅賞給香燈以資津貼今

玉

方外貧苦力難賠累且奉

旨建祠與各祠院事同一律爲此不揣冒昧備情稟叩伏乞

大人電憐苦衷俯賜照案

恩准給發香燈俾資供奉頂祝上稟

計呈

林典史祠墓誌

同治十一年正月二十三日奉

署運憲秦

批查林典史墓業已載入祀典所請給發香燈銀兩

尙屬可行姑准自十一年爲始每年給發香燈銀十二兩以資
供奉屆期詳請給領可也誌存

西湖林公祠墓誌

三五

仁和捕署堂西林尉卿初瘞處建祠記

天地正大之氣積於兩間者凝而爲星辰流而爲河嶽矯之則爲隱逸激之則爲忠義故制行不同其節同出處不同其道同陶貞白云人無愚知同盡百年其不依形而立不隨死而亡者非氣配乎義名貴於身而能然哉若乃秉剛正不撓之氣身居末秩無得爲之權事變猝乘安危有不暇計者乃從容赴難視死如歸豈非所欲有甚於生所惡有甚於死者哉仁和林尉君小巖之殉難也距今二十有四年矣咸豐十年二月二十七日逆竄杭城君朝服升堂畱題治壁持印擊賊不中賊虜至斷其頭置案上猶端坐不仆瞋目若將叱者賊懼走出死於門中蓋神威所攝也君諱汝霖字小巖福建上杭人也其官閩氏族及闔門死事大節詳見本傳同治五年重葺仁和尉署掘地得屍六其一體魄旣化旁有章服有老役朱華在旁述君藁葬時役預其事始得忠骸而殮之是時現署景甯縣事前任錢塘二尹程君鍾瑞升用縣現任平湖二尹吳君廷康方攝杭府司獄篆與同官及地方紳士謀改卜於西湖之孤山以君與高士同出一源且忠貞亮節閱八百餘年後先輝映雖出處不同其大節同也議上大府壁之爲具奏焉官紳捐資若干繕程君鍾瑞董

其役六年十二月落成仁和董仁甫爲之傳並爲墓記述君改卜及君父遷葬事甚悉現任浙江巡撫前杭守譚公鍾麟率仁錢兩邑令姚君光宇陶君雲升立石於西湖孤山之麓從官紳議也越四年庚午大府命廷康攝仁和尉始知初瘞處尙有遺骸又有林君義女張秀寶者罵賊支解之事甚慘烈復補旌合祀焉迺於署側隙地建祠登石設龕塑像以護遺骸之未盡徙者廷康捐廉以葺其事壬申正月工竣襄事者爲廷康姪升用縣丞從九品福成孫壻藍翎五品銜現任永嘉場鹽課大使程雲驥也現任少尉楊君士周籌款在於署前隙地造屋出租收息

西湖林公祠墓誌

三

作抵是祠歲修祭資之需至先後捐助官紳姓氏別刻志後以垂不朽於戲俎豆維新雖創始於今日春秋匪懈實有望於後賢

晉藩

以甲戌仲秋奉檄來省舊雨廷康屬爲文記其事粵稽

國史凡立廟者有像賜謚者有碑今仿古人銘志之例碣于祠臺其時君母陸氏妻周氏兩姊一女及義女秀寶同殉者七人長子懋生奉檄效力浙東軍營包村陷死之次子涇生年甫六齡聞警散失泊光緒六年四月十八日雷浙副將蔣公益賢丁憂在湘奉委查明涇生事實起服隨帶來浙諸君代謀稟蒙中丞譚公鍾麟恩予承襲雲騎尉世職廷康述其所遇之奇考

核無誤屬改碑文爲記附於西湖祠墓志後次女適會稽鍾氏
子幼子二人杭城復陷失散不知所終銘曰

平原勁節睢陽接軌維繼孤忠東南一尉庚申之紀劇盜憑城
結纓遂志大義獨伸僚舊銜哀含生感悼黃房改卜清風克紹
身淪卑位德繫人心以死勤事典禮所存

帝念忠貞

特崇禋祀流胙後昆俾垂百世金陀餘烈玉簪仙蛻各擅千秋
流輝有美治堂之右實理忠骨屢兆雖遷遺骸固別爨君蒿下
攝發昭明不有所寄孰尉幽魂湖山蒼蒼湖波粼粼眞宰上契

西湖林公祠墓誌

三

配星儷辰驅馘診厲福我蒼生式昭旰鬻永鑒貞銘

光緒七年歲次辛巳夏六月陽湖蕉隱楊晉藩撰

浙江巡撫部院營務處一品頂戴儘先候補道唐三品銜候補道王為移會

事據本處文案委員羅令信北稟稱竊卑職前接嫡堂姪廩生

霽信云姪前年在浙曾至西湖見有林典史汝霖祠畧悉其殉

難梗概今年在長沙遇舟子李添喜詢之實係福建林姓號金

生其先父仕杭州不知何官兄弟四兄號暮生弟二號太生秦

生姊三人伊六七歲時父殉難伊被擄至赴南京同治二年官

兵破南京為湖南湘鄉鄉勇李萬才所擄是年冬至湘鄉改姓

李為人牧牛光緒元年始學刺船現住湘鄉澱水市側白茅沖

等語姪聞之知確係林典史後因作書並備述金生之言附寄

西湖林公祠墓誌

二九

前來卑職查閱林典史墓誌長子懋生次子涇生與姪來信所

述暮生金生者不符然暮與懋涇與金或因音相似而訛且來

信中明說金生自云祇知是如此呼不知字是如何寫墓誌又

云涇生時年十二亦死典史女二與來信所述金生時年六七

歲今尙在姊三人者不符然詢悉當時修撰墓誌一切節畧俱

係採訪而得今墓誌所云訪之輿論異口同聲或彼時傳聞不

無異詞其餘各節無不脗合其為典史後無疑典史之殉節也

曾奉

奏郵蒙

恩贈主簿銜給雲騎尉世職旋又奉

前升撫憲馬

奏請列入祠典並建祠墓於孤山林處士墓側各在案顧未聞該員尙有承祀之人今忽聞有孤忠一脉遠在湖山數千里窮鄉僻壤安知非寘寘者不忍忠臣之無後又安知非典史英靈默朽不使林氏一綫脉歸斬絕也若明知之而任其飄泊流爲異姓牧豎之歸不亟稟求爲設法招致俾得復姓歸宗以延忠節嗣續何以慰安毅魄而風勵來茲業由

卑職

備叙前情稟請

藩憲詳咨

西湖林公祠墓誌

三

湖南撫憲札飭湘鄉縣速傳李添喜卽林涇生到案查詢底細如果實係林典史後立卽資遣來浙不准李萬才留難奉批仰候據情詳請

撫憲轉咨

湖南撫院札飭湘鄉縣傳詢確鑿資遣來浙再行酌辦該令籍隸湖南湘鄉澱水市左近有無熟人並卽函致訪問確切如果係林典史之子李萬才並不留難不妨逕行招致較由縣傳詢資遣更妥也此繳各件存等因奉此遵查前管帶湘軍水師副右營蔣協戎益賢現在丁艱回籍該協戎家距澱水市不遠應

懇俯賜移飭該協戎於到籍後迅卽會同

職

姪廩生霽查明辦

理或親自帶來或設法托便帶來如李萬才有意留難卽由該協戎面回湘鄉縣諭令不得把持庶忠節無後而有後一俟到浙或承襲歸標或飭守祀墓或謀娶承祧出自格外鴻慈容再稟辦相應檢呈林典史墓誌仰祈察核批示祇遵並懇移明

藩憲查照實爲德便等情據此除批候移明蔣協戎於回籍後會同該廩生查明辦理如果實係林典史之子卽向李萬才詳細說明親帶來浙以延忠嗣其數年撫養之力將來亦不令埋沒倘或有意留難卽呈明地方官查辦亦必念切忠裔俾得歸宗斷不任其把持除移

西湖林公祠墓誌

三

藩司衙門查照外合就移會爲此合移

貴協請煩查照希俟回籍後卽行會同該廩生羅霽安爲查明辦理施行

光緒五年五月二十九日移會

前帶湘軍水師副右營協鎮蔣

全銜

為移會事據本處文案委員羅令信北稟稱竊

姪廩生霽信云 照前移會敘至 藩憲查照實為德便等情據此

除移蔣協戎於回籍後會同廩生羅霽安為查明辦理外合並

移會為此合移

貴司請煩查照施行

同日移會

藩司衙門

西湖林公祠墓誌

三



二品頂戴浙江等處承宣布政使司爲據情轉詳事據委辦營務處文案補用知縣羅信北稟稱

卑職

前接嫡堂姪壽家信云

壽前年在浙曾至西湖見有林典史汝霖祠畧悉其殉節梗概今年在長沙遇舟子李添喜詢之實係福建林姓號金生其先父仕杭州不知何官兄弟四兄號暮生弟二號太生秦生姊三人伊六七歲時父殉難伊被擄入南京同治三年官兵破南京爲湖南湘鄉鄉勇李萬才所擄是年冬至湘鄉改姓李爲人牧牛光緒元年始學刺舡現住湘鄉澱水市側白茅冲等語霽聞之知確係林典史後因作書并備述金生之言附寄前來

卑職

西湖林公祠墓誌

三

查閱林典史墓誌長子懋生次子涇生與來信所述暮生金生者不符然懋與暮涇與金或因音相似而訛且來信中明說金生自云只知是如此呼不知字是如何寫墓誌又云涇生時年十二歲亦死典史女一與來信所述金生時年約六七歲今尙在姊三人者不符然詢悉當時修撰墓誌一切節畧俱係採訪而得今墓誌所云訪之輿論異口同聲或彼時傳聞不無異詞其餘各節無不昭合其爲典史後無疑典史之殉節也曾奉

奏卹蒙

恩贈主簿銜給雲騎尉世職並奉奏咨列入祀典建道祠墓於孤山

林處士墓側各在案顧未聞該員尙有承祀之人今忽有精忠一脈遠在湖山數千里窮鄉僻壤安知非冥冥者不忍忠臣之無後又安知非典史英靈默相不使林氏一綫脈歸斬絕也稟懇迅賜詳咨飭縣速傳李添喜卽林溼生到案查詢底細如果實係林典史後立卽資遣來浙不准李萬才把持一俟到浙或承襲歸標或飭守祠墓或謀娶承繼容再稟辦等情到司據此理合據情轉詳仰祈
憲臺察核迅賜轉咨

湖南撫院札飭湘鄉縣立傳李添喜卽林溼生到案詢問底細

西湖林公福墓誌

三

如果屬實資遣來浙再行辦理爲此備由呈乞

照詳施行

光緒五年五月二十一日布政使增壽具詳於六月初五日奉

到

撫憲梅 批示仰候咨明

湖南撫院札飭湘鄉縣查明辦理

一種遊香晴山樓千里霞峰掛對文獻非冥冥善不惡也
林處士墓側各在案顧未聞該員尙有承祀之人今忽有精忠

浙江撫院梅

為據情轉詳事據布政使增壽詳稱據委辦

營務處文案補用知縣羅信北稟稱

卑職

前接嫡堂姪霽家信

云霽前年在浙曾至西湖見有林典史汝霖祠畧悉其殉節梗概今年在長沙遇舟子李添喜詢之實係福建林姓號金生其先父仕杭州不知何官兄弟四兄號暮生弟二號太生秦生姊三人伊六七歲時父殉難伊被擄入南京同治三年官兵破南京為湖南湘鄉勇李萬才所擄是年冬至湘鄉改姓李為人牧牛光緒元年始學刺舡現住湘鄉澱水市側白茅冲等語霽問之知確係林典史後因作書并備述金生之言附寄前來

西湖林公祠墓誌

三五

職查閱林典史墓誌長子懋生次子涇生與來信所述暮生金

生者不符然懋與暮涇與金或因音相似而訛且來信中明說金生自云只知是如此呼不知字是如何寫墓誌又云涇生時年十二歲亦死典史女二與來信所述金生時年約六七歲今尚在姊三人者不符然詢悉當時修撰墓誌一切節畧俱係採訪而得今墓誌所云訪之輿論異口同聲或彼時傳聞不無異詞其餘各節無不脗合其為典史後無疑典史之殉節也曾奉

奏郵蒙

恩贈主簿銜給雲騎尉世職並奉奏咨列入祀典建造祠墓於孤山

林處士墓側各在案顧未聞該員尙有承祀之人今忽有精忠一脈遠在湖山數千里窮鄉僻壤安知非冥冥者不忍忠臣之無後又安知非典史英靈默相不使林氏一綫脈歸斬絕也稟懇迅賜詳咨飭縣速傳李添喜卽林涇生到案查詢底細如果實係林典史後立即資遣來浙不准李萬才把持一俟到浙或承襲歸標或飭守祠墓或謀娶承繼容再稟辦等情到司據此理合據情轉詳仰祈迅賜轉咨

湖南撫院札飭湘鄉縣立傳李添喜卽林涇生到案詢問底細如果屬實資遣來浙再行辦理等情到本部院據此相應咨明

西湖林公祠墓誌

三

爲此合咨

貴部院煩請查照轉飭湘鄉縣傳詢遵辦并祈復浙知照施行
光緒五年六月十二日出咨 湖南撫院

湖南撫院李

爲咨明事據湖南湘鄉縣知縣李惟丙稟稱

案奉

善後局札奉前憲札准

浙江撫憲咨開據布政司詳稱前殉難之林典史汝霖係福建人氏有次子涇生年六七歲時被擄入南京同治三年官兵破南京爲湘鄉李萬才所擄是年冬至湘鄉改姓李名添喜爲人牧牛後改學刺船現住湘鄉澱水市側白茅沖確係林典史之後無疑查林典史殉節欽奉

恩贈主簿銜給雲騎尉世職並奉

奏准列入祀典建造祠墓各在

西湖林公祠墓誌

三

案詳懇迅賜轉咨飭縣速傳李添喜卽林涇生到案查詢底細如果實係林典史之後立卽資遣來浙承襲不准李萬才把持等因轉行下縣奉此

卑職

遵卽票傳去後旋據丁憂在籍浙江

候補協鎮蔣益賢函稱伊奉 浙撫院營務處唐王兩觀察移

會以浙江殉難典史林小巖少尉之子涇生爲湘鄉鄉勇李萬才據爲義子現住澱水離伊居址不遠移請查明親帶來浙等因當於回籍後會同羅廩生壽親往澱水市側之白茅沖李萬才家查明李添喜卽林涇生詢所述梗概與所發林典史墓誌無不脛合確是林氏一脉無疑當卽招至舍間稍資教習禮節

李萬才亦未留難其數年撫養之力前途必不能任其埋沒今
涇生既爲孤忠一脈不敢託便資遣擬俟開年起服入浙伊當
親自攜帶交因奉差傳遣送請先咨復等語隨據差役查明
李萬才義子李添喜卽涇生確係林典史之後稟復前來卑職
查添喜卽涇生既據蔣鎮益賢及差役查明確係林典史之後
自應遵札貨送赴浙但千里迢迢諸多不便今蔣鎮益賢已帶
在家擬俟來年起服自行攜帶赴浙轉交甚爲妥協除飭蔣鎮
照辦外理合稟乞俯賜察核轉請咨復等情到本部院據此相
應咨明爲此合咨

西湖林公祠墓誌

三

貴部院請煩查照飭知施行

光緒五年十二月二十日准咨

光緒六年七月十八日具稟林涇生

具親供難裔林涇生今於

與親供為請襲世職事竊生現年二十

六歲身中面白無鬚福建上杭縣民籍曾祖父樹德母趙氏祖

父坤母陸氏父汝霖母周氏以上俱歿生父汝霖由從九品籤

掣浙江署理杭州府仁和縣典史咸豐十年二月二十七日城

陷罵賊被戕報蒙

前任浙江撫憲王 具

奏請卹經

西湖林公祠墓誌

三九

吏部議贈主簿銜給予雲騎尉世職襲次完時給予恩騎尉世

襲罔替咸豐十年十月初六日覆奏奉

旨依議欽此後經杭城紳士以生父閣門殉難公捐祠墓於西湖之孤

山呈請

前浙江撫憲馬 具

奏請列入祀典春秋致祭以慰忠魂蒙

禮部議准各在案回憶杭城初陷時生年六歲祖父坤攜生兄

弟四八避於獄中賊退後攜生等出獄見父母姑姊等多已死

難生等跟隨祖父借居胞母舅周光烈家度日次年祖父病故

長兄懋生已去投效軍營杭城復陷失散生 輾轉被擄經湖南

湘鄉縣民李萬才收養改名李添喜上年適遇湘鄉學廩生羅

霽生 閒談生 告述情由承羅生函致浙省官長當奉報明

浙撫憲梅移咨

湖南撫憲飭縣傳生 回浙知長兄懋生已於同治元年在諸暨

縣包村殉難胞兄並未婚娶生 委係故父林汝霖嫡次子例得

承襲惟父親在日以官為家上杭原籍並無室廬產業現已

孑然一身無家可歸且生 年已及歲惟有懇請查照戴敬曾朱

乾學等成案在浙省請襲飭發省標學習俾可時省祖父廬墓

西湖林公祠墓誌

委無捏冒攙越等項情弊所具親供是實

光緒六年 月 日具親供林涇生

難裔林涇生承襲宗圖

四

三子泰生咸豐十一年城陷失散不知存亡

長子懋生未會婚娶並無子嗣同治元年在諸暨縣包村殉難

空子涇生林汝霖嫡次子例得承襲雲騎尉世職發標學

四子澤生咸豐十一年城陷失散不知存亡

曾祖 父樹德 母趙氏

祖父 坤 父汝霖 母陸氏前任安徽涇縣知縣巡檢咸豐十一年在杭身故葬孤山

母周氏前署浙江仁和县知縣咸豐十一年二月城陷

母周氏咸豐十一年二月城陷

閩門殉難

閩門殉難

具稟難畜林涇生

稟為叩 恩詳請承襲事竊生現年二十六歲身中面白無鬚

福建上杭縣民籍曾祖父樹德母趙氏祖父坤母陸氏父汝霖

母周氏以上俱歿生父汝霖由從九品籤掣浙江署理杭州府

仁和縣典史咸豐十年二月二十七日城陷罵賊被戕報蒙

前任浙江巡撫王 具

奏請卹經

吏部議贈主簿銜給予雲騎尉世職襲次完時給予恩騎尉世

襲罔替咸豐十年十月初六日覆奏奉

西湖林公祠墓誌

四一

冒依議欽此後經杭城紳士以生父閣門殉難公捐祠墓於西湖之孤

山呈請

前任浙江巡撫馬 具

奏請列入祀典春秋致祭以慰忠魂蒙

禮部議准各在案緣杭城初陷時祖父坤攜生兄弟四人避於

獄中賊退後攜生等出獄見父母姑姊等多已死難生時年六

歲跟隨祖父借居胞母舅周光烈家度日次年祖父身故長兄

懋生往投軍營杭城復陷幼弟等失散生輾轉被擄經湖南湘

鄉縣民李萬才收養改名李添喜上年適遇湘鄉縣廩生羅 霽

閑談問及原籍生告知情由蒙羅生函知浙省官長當奉報明

浙省撫憲移咨

湖南撫憲飭縣傳生回浙知長兄懋生已於同治元年在諸暨

縣包村殉難兩幼弟不知下落但父親在日以官為家原籍上

杭縣已無室廬產業亦無親支嫡派近族可依生年已及歲

孑然一身無家可歸嫡長兄懋生生前尚未婚娶既已殉難包

村生係故父林汝霖之嫡次子所遺世職例得生承襲援照浙

江候補從九品戴敬曾及朱乾學之案由浙呈請承襲並求詳

送驗看飭發省標學習以圖報効而便時省祠墓為此邀同同

西湖林公祠墓誌

四三

鄉官暨親族出具印甘各結并備親供宗圖稟叩

公祖大人恩賜據情加結轉詳

撫憲驗看飭發省標學習當差彙案

奏咨承襲並咨

福建撫憲轉飭上杭縣照例查明有無親族取結分咨死生感

德不朽上稟

計稟送

親供五紙 宗圖五紙 同鄉官印結五紙

親族甘結五紙 抄案清摺三扣

具印結署浙江湖州府武康縣知縣今於

與印結爲請襲事竊結

得前署浙江仁和縣典史林汝霖係福建上杭縣人咸豐十年二月杭城初陷該員罵賊被戕閭家殉難查得該故員生有四子長子懋生並未婚娶已在諸暨縣包村殉難次子涇生及三四幼子其時均被擄散今由湖南查回之林涇生查係故員林汝霖嫡次子例得承襲雲騎尉世職合具同鄉官印結是實

光緒六年 月 日知縣葉慶熙

具甘結 親杭州府學廩生周金組族浙江試用縣丞林應中今於

西湖林公祠墓誌

與甘結爲請襲事竊結得

前署仁和縣典史林汝霖係 廩生金組胞姑丈前因 祖父周

肇仁與伊父林坤同在安徽省服官結爲兒女姻親迨後林汝

霖籤掣浙江閣門殉難後林坤同孫懋生涇生等借居 生 家次

年林坤病故杭城復陷失散今咨傳回杭之林涇生確係 生 之

次表弟其長表弟林懋生並未婚娶實在諸暨縣包村殉難

卑職應中 在浙候補係與故員林汝霖同族第 元 遵查該故員

以官爲家原籍並無室廬產業亦無親支嫡派長子懋生並未婚娶已在包村殉難例應嫡次子涇生承襲委無捏冒各項違

碍情事 卑職應中 係候補人員並無印信已於結內書押合具

甘結是實

光緒六年 月 日 親周金組押
族林應中押

謹將殉難後裔准在服官省分呈請承襲浙省辦過成案照錄

清摺恭呈

憲鑒

計開

一於同治十二年浙江候補從九品戴敬曾在仁和縣具稟轉詳以繼父浙江候補布理問戴廣保殉難所遺雲騎尉世職

西湖林公祠墓誌

四

以伊自職官不願兼襲請以繼孫幼童戴祖承承襲奉

部議以故員戴廣保既有繼子戴敬曾例應以戴敬曾兼襲

不應以戴祖承承襲行令聲覆辦理

一於光緒元年浙江候補從九品朱乾學安徽歙縣人在同鄉

官石門縣具稟轉詳以兼祧父朱慶琳在浙殉難由石門縣

加具印結請襲雲騎尉世職經

部議以朱乾學安徽人今由伊故父服官省分造具冊結請

以從九品兼襲雲騎尉係屬七品以下微員例應赴部照章

行查原籍有無親族是否屬實取具印甘各結送部查核並

照例給咨送

部引

見可否

欽定奉

旨依議欽此

西湖林公祠墓誌

四五



見可

附錄

廣西會館

署杭州府錢塘縣為據情轉詳事據難裔林涇生稟稱竊生現年二十六歲身中面白無鬚福建上杭縣民籍照稟全叙至叩

請加結轉詳等情到縣據此合將送到宗圖蓋印供結粘連鈐印并同鄉官印結備文詳送仰祈

憲台察核俯賜彙案

奏咨實為公便為此備由呈乞

照詳施行須至申者

今詳送

宗圖五副

供結五套

同鄉官印結五紙

以上圖結列前

西湖林公祠墓誌

四六

印結五紙

署浙江杭州府錢塘縣今於

與印結竊結得據親族周金組等結

稱結得前署仁和縣典史林汝霖

照前親族甘結全叙至

合具

甘結是實等情據此合加印結是實

光緒六年七月二十二日署錢塘縣知縣湯肇熙具詳於八月

初三日奉

撫憲譚 批本部院於七月二十九日驗看得林涇生年壯力

強堪以承襲飭發杭州協城守營學習仰候彙案具

奏並咨行收標繳各件存送

西湖林公祠墓誌



四七

署杭州府錢塘縣爲詳請事案據歸標雲騎尉林涇生稟稱案奉杭協轉奉

前憲臺譚 案行光緒七年閏七月十三日准

兵部火票遞到

兵部咨開武選司案呈近經本部會議浙江巡撫譚 奏蔣鴻

訓等襲職一摺於光緒七年七月二十六日奉

旨依議欽此相應抄錄原奏附驛行文該撫可也等因到院仰協查

照准咨奉

旨事理卽飭林涇生遵照毋違計粘單內開從九品林汝霖長子早

西湖林公祠墓誌

四

故無嗣嫡次子林涇生二十七歲以上一員原籍福建上杭縣

今由寄籍浙江錢塘縣造具冊結請襲雲騎尉 臣部應以定章

先行奏准仍行查原籍查明有無親族是否屬實取具印甘各

結送部查核再准支俸收標等因伏查 在浙年久原籍有無

親屬無從而知今奉

大部以職係查取原籍親屬甘結到部方准收標支俸等因轉

輒思維惟有稟請詳咨取等情到縣據此 伏查無異理

合備文具詳仰祈

憲臺俯賜咨明

福建撫憲轉飭該世職原籍上杭縣查明有無親屬取結就近
詳咨實爲公便爲此備由呈乞

照詳施行

一 詳

撫 憲 陳

光緒八年十月初五日署錢塘縣知縣趙惟喻具詳於 月

日奉

撫憲陳 批

西湖林公祠墓誌

閱

兵部侍郎巡撫浙江部院節制水陸各鎮兼管兩浙鹽政陳札
福建上杭縣知悉據該縣人雲騎尉世職林涇生稟稱竊職案
奉行准

兵部火票遞到咨開武選司案呈近經本部會議浙江巡撫譚
奏蔣鴻訓等襲職一摺於光緒七年七月二十六日奉

旨依議欽此計粘單內開從九品林汝霖長子早故無嗣嫡次子林

涇生年二十七歲以上一員原籍福建上杭縣今由寄籍浙江

錢塘縣造具冊結請襲雲騎尉臣部應照定章先行奏准仍行

查原籍查明有無親族是否屬寔取具印甘各結送部查核再

西湖林公祠墓誌

五

准支俸收標等因奉此伏查職祖及父在浙服官有年均屬以
官爲家原籍有無親族無從而知職子身在浙棲食無所懇請
咨飭查明取結就近詳咨

大部復浙等情到本部院據此查是案前據錢塘縣具詳到院
卽經咨明

福建撫院轉飭查辦在案據稟前情合行札知札到該縣立卽
遵照查明取結就近詳咨核覆並報明本部院衙門查考切勿

違延此札

光緒八年十一月初八日

署浙江杭州府錢塘縣爲移請查辦事據歸標雲騎尉林涇生稟稱竊世職在浙請襲奉

兵部以原籍上杭縣有無親族應查取原籍甘結送部方准收標支俸等因迄今已閱二年世職自幼遭難原籍有無親族無從而知當經稟蒙詳請

撫憲咨明

福建撫憲飭查取結詳咨在案惟世職原籍一日不覆則部中一日不准收標支俸虛宕無期現蒙故父寅好幫助盤費令世職自往上杭守催查辦稟乞給發移文資投候覆等情據此查

西湖林公祠墓誌

五一

此案前經敝縣詳請

撫憲咨明

福建撫憲催飭查取在案茲該世職具稟自願赴

貴縣守取應卽給文前往除批示外爲此合移

貴縣請煩查照希卽飭令差保迅速查明取結詳咨仍祈移覆給執回銷望速施行須移

右

移

福建汀州府上杭縣正堂

光緒八年十一月 日移

署福建汀州府上杭縣遵札申報世職林涇生世居原籍緣由
驗文

署福建汀州府上杭縣爲報明事案奉

憲台 札開據該縣人雲騎尉世職林涇生稟請竊職案奉行
准

兵部火票遞到咨開武選司案呈近經本部會議

浙江巡撫譚 奏蔣鴻訓等襲職一摺於光緒七年七月二十
六日奉

旨依議欽此計粘單內開從九品林汝霖長子早故無嗣嫡次子林

西湖林公祠墓誌

五

涇生年二十七歲以上一員原籍福建上杭縣今由寄籍浙江
錢塘縣造具冊結請襲雲騎尉臣部應照定章先行奏准仍行查
原籍查明有無親族是否屬實取具印甘各結送部查核再准
支俸收標等因奉此伏查職祖及父在浙服官有年均屬以官
爲家原籍有無親族無從而知職子身在浙棲食無所懇請咨
飭查明取結就近詳咨

大部復浙等情到本部院據此查是案前據錢塘縣具詳到院
卽經咨明

福建撫院轉飭查辦在案據稟前情合行札知札到該縣立卽

遵照查明取結就近詳咨核覆並報明

本部院衙門查考切勿違延此札等因奉此查此案先奉閩省藩司札飭前因卽經卑前縣孫令楨飭差查取未到卑職抵任復蒙藩司札催並奉前因遵經催據原差羅福賴恩協全地保梁應明查得詢據耆民林永興恩貢林瑜等聲稱林涇生世居福建汀州府上杭縣民籍自祖父在浙服官以官爲家雖無服親尚有本族昭穆可考家中並無產業遺留等情取具甘結稟覆前來卑職覆查無異業於光緒九年五月十四日加結詳請福建藩司核詳分咨緣奉前因理合具文申報仰祈

西湖林公祠墓誌

五

憲臺察核實爲公便爲此備文申乞

照驗施行須至申者

右

申

兵部侍郎巡撫浙江部院節制水陸各鎮兼管兩浙鹽政陳

光緒玖年伍月拾捌日

署知縣周樹森

兵部侍郎巡撫浙江部院節制水陸各鎮兼管兩浙鹽政劉
為咨行事光緒拾年正月初十日准

兵部咨開武選司案呈准福建巡撫張 咨送雲騎尉林涇生
原籍福建上杭縣印甘各結咨部查照施行前來查林涇生原
籍福建上杭縣前由寄籍浙江錢塘縣造具冊結請襲雲騎尉
本部照章先行奏准仍行查原籍查明有無親族是否屬實取
具印甘各結送部查核再准支俸收標在案今據該撫取具林
涇生原籍上杭縣印甘各結送部核與定章相符該世職年已
及歲准其支俸收標相應咨覆該撫可也等因到本部院准此

西湖林公祠墓誌

五

合就轉行爲此仰

司官吏該

查照准咨事理卽便

移轉

行遵照毋違

飭查取該世職收標日期及履歷三套詳咨毋違

光緒拾年正月貳拾肆日行

布政司
杭州協

兵部侍郎巡撫浙江部院節制水陸各鎮兼管兩浙鹽政劉
爲詳報收標日期事據杭州協副將林耀光詳稱案照光緒拾
年正月貳拾肆日奉撫部院案行光緒拾年正月初拾日准

兵部咨開武選司案呈准福建巡撫張 咨送雲騎尉林涇生

原籍福建上杭縣印甘各結咨部查照前來查林涇生原籍福
建上杭縣前由寄籍浙江錢塘縣造具冊結請襲雲騎尉本部
照章先行奏准仍行查原籍查明有無親族是否屬實取具印
甘各結送部查核再准支俸收標在案今據該撫取具林涇生
原籍上杭縣印甘各結送部核與定章相符該世職年已及歲
西湖林公祠墓誌

雲

准其支俸收標相應咨覆該撫可也等因到院行協奉卽行遵
在案茲據城守營都司徐鳳藻詳據學習世襲雲騎尉林涇生
稟稱竊世職於光緒陸年柒月貳拾玖日奉
撫憲譚 驗看發營學習遵卽到營今奉行知遵以光緒拾年

正月貳拾肆日奉

部核覆之日作爲收標日期備造出身履歷稟請通送詳咨等
情由營轉呈前來理合蓋印詳候咨移

兵部查照等情到本部院據此相應咨移

貴部煩請查照施行

計咨
移送履歷一扣

一咨
移兵部
科

光緒拾年肆月貳拾捌日咨

西湖林公祠墓誌

美

癸酉春仲游孤山弔

林少尉

湖波清淺柳絲深
就孤山久姓林
芳名年上
黃髮碧血梅花枝

西湖林公詞墓誌

五

見丹心

墓上名
紅梅

一家骨肉

全忠孝子
載賢領眉共
仰欽和請
比鄰甚厚
在
我
才
憑
弔
設
孤
吟

象陽堯慶





水邊籬落月黃昏
冰雪精神玉少痕
孤峭梅花香更冷
忠臣愛士美人魂
不問湖邊第

西湖林公詞墓誌

五

幾株暗系疎影寫
糝糊冰心鍊骨清
剛氣天地常白數點
無同治十二年癸酉春
袁疴湖上桐城吳君

康甫明府年索畫
梅籟孤山石為騷人墨
尖游覽湖山一助清真
素輟游不果爰強
病筆觀暗香疎影

西湖林公詞墓誌

五九

空付一枝并口占二絕補
共雪泥鴻爪此中不無
因緣在也西湖退省山
人車嶽七十二峯下
子整庵名並誤


西湖林公詞墓誌

青宮
少保

彭
慶

青宮
少保
彭慶
少保
彭慶
少保

卒



西湖林處士絕代
有法孫授命艱
危際存仁道義門
教忠規母訓殉職成

君恩十萬梅花
樹應招月夜魂

李

贈王簿林君死事


唐午月

長沙徐樹銘



西湖林公詞墓誌

三



不謂孤山塚誰知典史尊
神仙留浚齋梅鶴化忠魂
獨把綢常拄難將爵秩
論子秋冰雪操端藉

詔書溫

庚子秋涓孤山林少佐墓

南皮劉有銘



華宵遙涉遠源湖
山對峙隙同原紅羊劫
火全家恨未茹從舍
勞口論馬鬣封解杯土
小龍綸貴到詔書溫

忠魂應有歸來夜
明月梅花滿墓門

題孤山林少尉墓

庚午八月儀徵方鼎鏡



全家碧玉似模糊
坏土孤山自不孤
肯讓圖公炳青史
偏教林氏占明湖
金章紫綬應多媿
浩氣清風豈有殊
夾墓梅花香如簪
佗年

華表新响無

甲戌春日題孤山

林少耐墓

梁穀秦休采手稿



聯額

衡陽彭雪琴宮保

玉麈

題聯云勁節冷梅花叢祠坏土足千古

芳鄰結孤嶼處士忠臣是一家

長沙徐壽蘅學使

樹銘

撰書匾額云節勵冰霜

吳江蒯士鄉方伯

賀蓀

題聯云荷聖代褒榮祭有祠葬有墓史

亦有書十里湖光傍蘇白隄前魂歸有所為吾曹冠冕夫死忠

妻死節婢復死義一門血淚繼岳于廟後神對無慙

卅年香夢久寄湖山辛未冬自中州陳臬來浙勝地重經

知上杭小巖林公闔門殉節立墓湖濱同人蓋亭其上俾

西湖林公祠墓誌

六

忠魂毅魄與林下高風并傳不朽爰撰句以識景仰豈僅

為山靈生色已耶

湘鄉楊石泉中丞

昌濬

題聯云闔室挺孤忠我亦臨風悲縣尉

袁祠鄰處士天留此地厚林家

湘鄉羅晴濤廣文

霽

題聯云攬勝我曾遊別叔歸來慘向湘中

哭愛子承祧人尚在為君招致好從梅下認佳兒

歲丁丑

霽

游浙至孤山讀少尉林公墓碑壯其節歸次

江陵得次兒蚪侯噩耗遊興頓銷戊寅冬遇舟子李姓者

於湘江詢之實福建林姓備述父官杭州殉節及被難來

湘狀竊疑爲 少尉後時 季父鏡莖公需次浙垣廻馳
函懇稟蒙 各大憲檢核墓誌確係 少尉次子涇生招
之赴浙蓋距 少尉之歿十九年矣爰附楹語當寒泉一
薦且誌霽歸來望思之感也

光緒六年六月上泮候選訓導湘鄉羅霽晴濤氏拜撰

西湖林公詞墓誌

七

聯額

錢塘吳曉帆方伯 照 題額云足以千古歸歎吳平齋觀察 重 書

長白英茂文觀察 樸 題聯云夫死忠婦死節穉弱盡捐軀千古

傳名著青史戰無青守無備身家如棄履一官報國答蒼天

全椒薛慰農觀察 時雨 題石聯云大節匹閻公取義成仁青史

從今尊縣尉忠魂依處士補梅招鶴孤山終古屬林家

錢塘吳曙亭刺史 清鶴 題聯云莫道官卑能守剛常伸正氣深

明義重恰從朝野鑒孤忠

瀨江姚季眉司馬 光宇 題聯云封墓結仙鄰雪滿空山來鶴甲

西湖林公綸墓誌 六

覆巢悲死節風淒古木泣鵲魂

長白明克菴司馬 德 題墓門石柱聯云上下五百年處士忠臣

各今古迴環三十里于祠鄂廟共湖山

京江戴幹廷司馬 枚 題墓門石柱聯云梅鶴舊家風坏土叢祠

分一席湖山新祀典忠魂毅魄足千秋

溧陽程步庭明府 鍾瑞 題墓門石柱聯云俎豆重湖山孤嶼千

年隣處士心腸堅鐵石寒梅一掬薦忠魂崇川吳花韻司馬 鈞

古酒趙紫琳司馬 定邦 題聯云眷屬盡忠貞碧血當年同葉菲

先生真節烈丹忱千古焮梅芳

錢塘張蘊梅孝廉景祜撰聯云先生有靈應喜異代雲仍獨完

勁節百世而下視此名山俎豆敢薄微官

仁和董敬甫工部慎行撰聯云勁節抗冰霜千樹梅花皆玉照

叢祠倚林麓四山鶴唳即神紗

秀水沈夢粟廣文景脩撰聯云泉冷古梅花可與盟心惟白水

亭空孤鶴影居然埋骨共青山

烏程朱蘭汀廣文礪金撰聯云一命重朝官烈日嚴霜終樹節

千秋依處士寒梅孤鶴與招魂

西湖林云詞藻誌

充

甘泉劉幼白別駕克成題聯云大節允無虧鼎峙湖山兩少保

宗風同不朽魂依梅鶴一先生江都楊筱齋二尹鍾駿書

寶山朱伯仁司馬撰聯云大節繼高風光耀一門俎豆小臣知

死所香分萬樹梅花

侯官林廉叔司馬惠錄撰聯云忠臣處士扼腕憤君子仁人掩

泣譚

王筱鐵觀察撰聯云異時仙塚雙傳九品官竹帛長垂何慙處

士同是林家一脈三百樹梅花無恙足慰文忠前內閣協辦侍

讀雲南升用道激江府知府仁和王堃拜撰并書

署旁祠堂聯額

侯官梁敬叔觀察恭辰題祠門匾額云林尉卿祠

同治辛未秋月梁恭辰題

桐城吳康甫二尹廷康代篆少尉自題絕命聯句云未能矢志

勤王事惟有捐軀答聖朝

咸豐十年庚申二月二十七日粵匪犯浙省垣初陷署仁

和典史林公汝霖公服升堂題絕命聯句於壁痛飲擲印

罵賊被害闔門殉節有役朱華合葬署右同治三年甲子

重復省城五年冬奉飭建復捕署堂西掘得忠骸官紳捐

西湖林公祠墓誌

三

資敬移西湖孤山林處士墓創建祠立墓經地方紳士稟

請大憲奏請奉

旨旌表列入祀典春秋賜祭十年冬廷康奉檄攝理斯篆始知

初葬處尚有遺骸遂捐廉建祠塑像供奉以護遺骸之未

盡徙者時同治十一年壬申春正月桐城吳廷康謹識并

錄遺筆製聯懸祠以誌顛末云爾

侯官梁敬叔觀察恭辰題聯云保國屬微臣况是闔門殉節碎

尸憐弱婢期同永世流芳

林小巖典史全家殉難奏請祭葬孤山後署中時有一女

現形據老役朱華云此其義女張秀寶當時被戕七段人多忽之後任吳廷康憫其苦節特表白之復代請旌並就署建祠附祀焉同治壬申閩梁恭辰記

侯官楊豫庭太尊

叔憚

題聯云小臣一死便千古大義全家有

八人

仁和典史林小巖殉粵匪難閱五年始檢忠骨初得六具桐城吳康甫明府偕程步庭司馬陳請憲紳改葬孤山咸謂公闔門六人同時盡節不知公長子懋生殉包村難又有義女張秀寶亦相從死節尸分七處未得旌

西湖林公祠墓誌

七

烈屢見靈異吳康甫來代尉事爲之補請恩卹合之先後死難者共八人嘻烈矣忠孝萃於一門誰謂薄尉小官不足以維持名教耶然康甫猶憫署西初瘞之有遺也復爲捐廉創立公像祠以護焉侯官楊叔憚謹題楹帖表而出之企後來者善守焉

桐城吳康甫二尹

廷康

題聯云惟嗜酒克發天真孝友爲懷生死終能全骨肉好讀書深明大義慈祥秉性婦孺咸識殉忠貞

自古篤孝行於家乃能盡忠忱於國亦惟立身行道帥型於室乃可施信於民此係至性流露天真初非外物所能

移動其中絲毫者也上杭小巖林君能讀父書歷仕之江
由蘊性以出至誠明大義以篤詩禮故所作詩文書畫悉
以道其本懷且性豪於飲每從酒酣後輒伸大義以陳其
所見故所行素符乎眾一旦捐軀殉節闔室從焉余以升
用縣奉檄來權尉事者三年悉訪懿行捐廉建祠肖象題
主譔聯紀事以昭人鑑於弗朽焉同治癸酉春廿七日展
祀公畢吳廷康并書

溧陽程步廷明府

鍾瑞

題聯云錢江際吳越名區躋公祠而敬

仰公忠大節凜然攝百千萬世人心長留砥柱縣尉亦朝廷典
西湖林公祠墓誌

七

秩瘁臣身斯恪恭臣職全家如在樹七十八城僚範首振縉紳
光緒元黜敦牂易月穀旦題補温州府瑞安縣事溧陽程
鍾瑞撰書

題詞

孤山弔林縣尉

全椒 薛時雨 慰農

香冷甲忠魂春寒肅墓門名山增故實二命亦

君恩寶劍恒光氣孤松有本根能令風俗厚 范文正贈林處士詩語 仕隱

道同尊

林少尉像贊

仁和 董慎言 仁甫

能觥林君鍾英閩嶠低首風塵秩界志邵爛爛者瞳嶽嶽者貌
生氣凜然展圖神肖君懷儻蕩君節崢嶸白刃飴視丹心鐵錚
古亦有言烈士徇名詎以祿位而判重輕大變當前全家引決

西湖林公祠墓誌

七三

君也衣冠高坐譽賊舌奮常山首實委實珉玉秋霜於戲比烈
明湖之曲孤嶼之涇梅花夾墓是妥君靈君其控鶴曠雲俯停
長留遺照播芳千齡

金縷曲

孤山謁林少尉祠

錢塘 張景祁 蘊梅

繞屋梅三百問千秋有誰競美玉簪遺蹟磊落君家神仙尉分
與名山片席算仕隱古今同轍烏帽風塵心如水湖生前合作
青霞客歌正氣死尤烈 當年血濺黃巾賊露峻嶒縱橫義膽
劍鉞摧折化鶴令威魂歸否戀此湖波凍碧看馬鬣崇封三尺
試譜送迎神絃曲怕寒香吹裂霜天笛孤嶼冷杜鵑泣

傲嵇留山民三體詩弔林少尉

仁和 高鵬年 雲客

落日弔忠魂梅花繞墓門夜臺應不寂處士共黃昏

青史千秋是仰白雲終古常親漫說風塵下吏居然名教完人
乾坤正氣仗人扶碧血丹心偉丈夫贏得孤山一抔土全家骨
月堊西湖

孤山林少尉祠神絃曲

杭州 董寶榮 于思

山之椒風蕭蕭靈出遊兮颺翠旂從詩僊兮翔九霄山之麓雲
蠹蠹靈來降兮駕白鶴萬梅花兮齊馥郁梅馥郁兮鶴翩翩靈
弔節兮青山巔薦秋菊兮凋寒泉普黎傳芭兮勒勒舞巫喃喃

西湖林公祠墓誌

七四

兮作靈語昔闔門兮濺血今全家兮葬碧羗雪涕兮雨泣條而
臨兮几席笙璫奏兮絲管急靈進爵兮愉且懌山有岡兮水有
涯風馬驟兮雲車馳竭而去兮飛靈旗山巔鶴唳兮靈過歸靈
歸兮何之靈再來兮何時我欲呼老梅冰雪之魂兮并詩仙而
招之

弔林少尉

仁和 王壽椿 笏山

漫道風塵一末僚凜然正氣薄雲霄鬢銜溫序情尤烈舌奮常
山怒未消夜月鵲枝悲血染秋風鶴唳痛魂招孤山坏土何多
幸處士忠臣節共標

同人邀遊孤山閱林少尉死節傳繫以長歌

西蜀 孫汝鏞 金甫

孤山山上處士墳千載猶傳姓字馨那知梅妻鶴子外更有忠
臣結比隣結比隣兮繫何人字小巖兮姓曰林小巖生長在閩
南親老家貧不擇官需次來浙署一尉迺值時事多艱難以身
許 國敢愛死忽聞賊至肅衣冠左手持印右持酒果然忠膽

大如斗回頭一顧母與妻一家積尸相枕籍公志愈憤心愈激
擲印罵賊目皆裂賊衆蜂攢我公一頃刻丹心埋碧血司農之

笏常山舌卓哉今古同芳烈表忠賴有賢二尹錢塘二尹程君
鍾瑞集金營葬

西湖林公祠墓誌

七五

建祠以表之
必延此一綫也
各與孤山齊不朽天必佑之昌厥後
林封翁挈二孫逃去不知下落諱天

湖上謁仁和典史林公墓有感

成都 王廷俊 壽芝

生不能封萬戶侯更不能盡斬獷悍之賊頭高坐堂皇罵賊死
遂令典史重山邱典史一官大如蟻烏能仗節報天子倒持手
版望轅門應知淚落如鉛水一朝賊破清波門日光慘淡煙塵
皆全家併命無遺累不負

熙朝養士恩而今湖上一杯土來與逋仙共樽俎八百年前受姓同

繞墓梅花香更古吁嗟乎死後不啻封禪稿清風久已人間查

今朝磊落遇忠魂地下逋仙應絕倒可知正氣扶剛常微官奮
志卽昂藏若因勢位相尊重當時乃有林福祥

仁和林公典史殉節詩三十韻

烏程 許國年 希菴

城頭月黑鼓聲死滿城官吏奔如鼠十萬黃巾動地來壯哉堂
堂一典史典史者誰福州林一命常抱千秋心豫讓本以衆人
畜豈知大節侔江陰城中糧盡紙鷲斷題詩早露英雄膽冠帶
朝服坐堂阜幾杯痛飲胸懷坦須臾忽報城門開鞞刀帕首紛
紛來銅符假作司農笏擊之不中張良錐一賊謂是真忠盡抽
刀不敢加公頸羣賊瞠目乃大呼急入後堂搜遺燼遺燼不得

西湖林公祠墓誌

七

見橫屍賊復大怒出墻握手拉公袖決公首公猶僵坐似生時
平生志氣貫金石事見庚申三月日眼前多少鳴騶人誰似我
公眞義烈春秋之義責備賢古來忠孝難兩全堂上老父正垂
白何堪一日同殲旃公乃先請老父走已誓一身爲國守且令
長子隨老人安排家事多不苟從容赴難甘如飴小丈夫勇焉
能斯成仁取義兩無害至今想見公鬚眉賊退公父爲公斂掘
地埋公當暫窆事平乃謀改葬公先軫之面色無減小吏猶能
識公顏泥首羅拜哭公前麒麟不傍要離側葬於西湖之孤山
英英高節不磨滅鶴鳴九臯聲聞天

天心俯鑒臣心亮

絲綸日月光同懸孤山昔有逋仙墓遠祖清風可追步忠臣處士各
千年峩峩華表同欽慕他年鼓棹西泠湄拜公墓下酬一卮空
山孤鶴共皎潔補種梅花三萬枝

孤山弔林縣尉

歸安 倪士璋 古青

忠節無分官大小以死濟之事乃了食人之祿憂人憂止氣乾
坤雷皎皎白雞升輿紅羊來衣錦城邊揚劫灰烏合紛紛蟻附
上守兵單薄城垣頽礮聲逼近矢飛集一領萊衣淚痕溼含恨
吞聲不敢言忠孝斯時不兩立日色無光風雨嗥愁雲慘淡天

西湖林公祠墓誌

七

不高斷頭藁葬男兒事慷慨付與韃中刀君不見衆安橋邊施
軍校血食千秋壯廟貌又不見江陰城中閻典史骨肉爲塵名
未死我今來拜孤山巔酬公樽酒梅花前碧血一邱已宿草卽
視白日高高懸

弔杭州殉難典史林公小巖

元和 江國均 一卿

莽蒼烽煙劇戰爭激昂仗義殉孤城丹心能使公卿重青史休
將簿尉輕一角湖山傳俎豆全家骨肉盡忠貞英魂常共逋仙
伴先後垂輝莫與京

孤山謁林公典史墓

烏程 俞 剛 勁叔

通翁遺說後寂寞已千年繼世畱高躅家風湖昔賢湖山同眷
屬忠孝儼神仙梅鶴依然在清芬合共傳

弔林少尉七絕四首

元和祝慶雲日卿

不能戰守一官微事到此時百計非危坐公堂聊痛飲果然視
死竟如歸

今看絕命一聯詩如見危冠獨坐時話到林家忠孝節

聖朝風化賴維持

移向清山碧血埋尙餘老役識忠骸從今改作神仙尉萬樹梅

花水一涯

西湖林公祠墓誌

七

祠宇巍然護柳陰何時瞻拜一登臨忠臣處士同千古從此孤

山總姓林

弔林少尉

歸安

章乃治菊人民年七十五

西湖清且漣孤山孤可憐千秋獨和靖疇與聯芳阡解芳阡表

高節伊昔罕同穴詎知有裔孫一家殉碧血解吁嗟碧血魂香

梓依墓門妻梅而子鶴同此娛晨昏解晨昏孰甘旨祠宇馨香

祀於國褒忠臣於家旌孝子解忠孝苟兩全何惜身首捐僵

坐尸不仆大義矢無愆解大義復何以俯鑑一湖水雙塚峙蔥

龍孤山不孤矣解

孤山弔林少尉墓 并序

旌德 江順詒 秋珊

林君少巖者閩之上杭人尊甫松巖先生任安徽茹麻嶺巡檢嘗至省門君隨侍故余得識君君少余數歲恆以詩相質證咸豐建元松巖先生以差入燕遂爲納贖君時習幕宣城將筮仕浙江癸三年余避亂歸里距茹麻六十里使人往詢值松巖先生乞病而就君養於浙五年余復避亂來浙之衢州君亦需次在衢尊酒往還者年餘君喜吟咏格清奇兼畫山水氣韻疎宕尤善飲初似恂恂數爵後議論風生每及天下事有攬轡澄清之志余時以寇盜縱橫江浙勢彙朔思遠遁當君慷慨奮袂之餘囑勿輕罹其禍君醉且怒曰子以微員未秩遂薄我耶君食指甚繁余因謂之曰親老子幼家無隔宿擾攘干戈君能棄之而賦從軍乎扼腕者久之泣數行下君之血性如此九年余來杭君適任仁和尉屢招余作湖上游孤山片石亦嘗憑弔焉詎知君埋骨卽在是耶十年春杭垣陷獨君死事甚烈同治己巳重來湖上覩夫坊稷崇隆祠宇巍煥因再拜而出涕曰林君之志慰矣千秋不朽此天之報君也人以地重地亦以人重其建祠而遷葬也固人爲之而葬之孤山則實天爲之而非人所可謀矣既序其緣起補傳誌所未探復歌以弔之

西湖林少尉墓誌

七

皖公山青楊柳樹二十年前識君處西湖水碧梅花新二十年
後弔君墓百尺摩崖處土碑千年曬酒游人路誰卜牛眠叢徑
開竟招鶴返忠魂往忠魂白骨全家埋天意如留土一坏不因
高潔龐公隱誰識風塵末吏才貲郎當代論車斗不俱表率供
奔走憶君八載強折腰有家一樣難餬口傲氣空吟白也詩熱
血惟灑劉伶酒難買千金畫裏山誰結蘊玉懷中綬勁草無緣
遇疾風深秋霜露同衰朽鼙鼓南來震八都臨安錦繡血模糊
獄吏尊嚴正官帶英雄慷慨擲頭顱頭顱已斷身猶立不化長虹
應化碧七載朝衫血裹存一孟麥飯孤兒泣巢居閣下水潏潏

西湖松公祠墓誌

六十一

忽見崇封壯大觀風雨招魂留故老春秋致祀走朝官鶴鷗夜
泣仙禽避荔蔭森疏影寒浮生朝露同邱壟一死君何泰山
重誰云國士始酬恩由來將相俱無種棠梨花發杜鵑時俎豆
名山福並之仙藥何須覓徐福青山我欲傍要離冷香白月黃
昏夜丁令重來未可知

林少尉墓

長洲 程龍光 杏樓

一介風塵三十年碧血埋但知持死節不暇論官階報國身能
殉櫻城事豈諧嗟哉林少尉忠烈贖遺骸

何幸孤臣魄來依處士家湖山新雨露梅鶴舊煙霞俎豆千秋

薦淵源一脈誇蒼涼孤嶼路暮雨聽曉鴉

弔林小巖少尉

丹陽 吉正常 瀛帆

聞道杭州破全忠及小臣母妻俱殉難子女亦捐身話別經三載招魂又一春昔年同榻友竟作夢中人

拜林少尉墓

上元 梅振宗 鷺臣

東風夜捲江潮紫女牛墮地天狼起魚龍變化風雲中世人爭薄褚淵死君一錢塘小吏耳見危乃知降賊恥獨着衣冠坐堂皇竟把功名付青史三年戎馬收南都招君魂兮歸明湖君魂冉冉渡湖水神旗四蕩靈風趨吁嗟乎生作世間奇男子死傍

西湖林公祠堂誌

八

君家老處士三百梅花繞墓門高風亮節相終始我來下馬撥荒草馬鬣紛披一坏小月落空亭鶴未歸鄉心千里傷華表

孤山弔林少尉

上元 劉焯 拙庵

侷儻如君者臨危敢愛身趨庭辭老父末吏竟忠臣終古黃泉下全家碧血新獨憐糜好爵亦有姓林人

居然得死所信是幾生修孤山分一角之子自千秋日暮遊人散花飛野鶴愁招魂歌未已惆悵雪盈頭

落葉飛山徑寒雲黯暮門思君獨不見心曲與誰論幽怨靈均賦悲噓杜宇魂比隣老處士慰藉話黃昏

典史死

寶山 蔣散復 劍人

大官一中丞小官一典史輕莫輕於死中丞重莫重於典史死
杭州城中蟻賊來中丞身死民不哀閉門十日城竟破不發一
矢何為哉典史躑躅起復坐殺賊無力走不可儼然朝服以臨
之若輩殺官官即我嗚呼等是一死孰重輕守官名義當責成
中丞官大罪亦大忍聽萬鬼號冤聲咄汝典史一死以外無他
策死固分耳非奇節彼不能死狗彘乃不食

孤山弔林少尉

江都 錢國珍 子奇

莫道卑官負荷輕居然抗節殉危城銜杯罵賊堪迎刃抱印捐

西湖林公祠墓誌

三一

軀其守盟烈性已拚身必死遺骸猶見貌如生即今理骨孤山
地隱士忠臣各擅名

林典史墓

甘泉 李肇增 水叔

百代追風軌山孤德不孤卑官名亦隱志士義同扶一奠梅花
墓重過濁酒壚江郎俱不見槁死更誰呼
江嶺叔貳尹負詩才
羈宦浙中以困死余
來均不及見
故益悲之

林少尉祠墓誌

丹陽 魏念先 藥畦

和靖先生隱孤山梅妻鶴子樂且耽玉簪遺蛻在山麓高風已
渺誰能續孰知相去八百春忽有微官結比鄰照甞湖山添一

墓末光竟許相依附懦夫立志薄夫散一隱一仕道同尊香冷
梅花留正氣青史千秋尊簿尉不以祿位判重輕獨與處士爭
芳名吁嗟乎昔有閻陳二公傳偉烈今看西泠片土埋碧血

林少尉墓

武進 杏巢
卜奉箴

閻部墳邊無處士已讓梅花屈一指處士墳邊無閻部還讓梅
花獨千古我欲遷葬閻部孤山傍庶幾有碧血有剛腸合之和
靖之高躅堪與梅花相頡頏觥觥典史人中傑手酒題詩示絕
筆真與閻公共激昂赴湯蹈火甘於蜜誰歛遺骸到碧岑梅花
從此有同心微官死節原難得豈爲斯人恰姓林

西湖林公祠墓誌

三

孤山弔林少尉

泉唐 蓮生
卓炳森

萬樹梅花裡爭傳處士祠遙遙近千載嶽嶽時雙碑義與閻陳
匹名真婦豎知我來一瞻拜想見致身時得地因人傑淵源信
有由清風光卅里勁節繼千秋舉室忠貞萃明湖姓氏留月高
香冷夜應化鶴歸休

南北曲一套

孤山弔林少尉

漢陽鄔銓公牌

南南呂梧桐樹 風吹黑劫消日出丹心照慘把魂招遙指孤
山道梅花帶雪飄鶴影和烟杳坏土叢祠醜酒來憑弔神茲聽
譜淒涼調

北罵玉郎 當日個烽烟壓境天狼耀兵氣餒陣雲高簇新鮮
死法安排早意氣豪謀畫高都不計官卑小

南浣溪沙 髮衝冠金樽倒一腔的熱血難澆公堂巍坐高呼
叫印綬齊拋罵絮叨恨不了恨只恨弱書生沒兵權不能愾敵

西湖林公祠墓誌

八四

同袍

北采茶歌 覓遺骨指堂劫悲尺土沒蓬蒿七年未化認征袍
說什麼萬劫金剛身不壞可知道千秋碧血恨難消

南解三醒 驚閃閃如生面貌認隆隆百尺碑高孤山一席分
來早湖隄繞湖水消卻喜全家骨肉俱同穴也算微末忠臣有
下稍于與岳末光堪附大節同昭

北烏夜啼 指梅花西風兒夾道旁巢居又添華表九原可作
應含笑看馬鬣新叢香沁瓊瑤清正氣帶着風流調人是英雄
伴是孤高在當日義憤飲鞭刀管什麼俎豆馨祠廟杜宇啼鴒

鷓鴣叫賺多少游人指點翻羨着典史名高

南尾聲 祀典崇遺阡表孤忠大隱兩名標處士從今不寂寥

西湖林公祠墓誌

八五

孤山新建林公祠碑

德清 許德裕 蔭棠

今夫抱金石之貞白刃可蹈壯湖山之色碧血長埋雖跡屈衙
官入達之長才莫顯而身爲底柱兩間之正氣終扶是宜姓氏
永傳蒸嘗久享名山俎豆弗負其英靈沒世聲名不因乎爵位
此公論之定而直道之存也林公小巖系出閩中宦游浙水簪
纓舊族久著聲華山海雄區足徵鍾毓乃懷才而問世徧辭尊
而居卑作少尉於虎林威不矜夫采棒靖澆風於崔屋治克佐
夫鳴琴梅福神仙聊爲吏隱孟郊名士不恥官卑無如逆焰猝
臨堦烽忽起天官星宿已動機槍澤國風雲難憑險阻公則神

西湖林公祠墓誌

八六

明自定肝膽不欺鋒鏑倉皇詭嚴親以匿跡酒杯談笑命妻女
以捐軀風雨春寒鬱鬱凌雲之氣公堂斗大琅琅罵賊之聲歌
抱葵心遂騎箕尾信乎疾風勁草艱危乃見忠臣而擊柝抱關
古今每多奇士也厥後湖山再造骸骨重收招魂於少府之廷
營葬於孤山之麓一坏荒土恰鄰處士之園林千古芳徽應話
家風於梅鶴自公之歿今已九年矣都人士過此佳城感其大
節爲建祠於其側俾食報於方來指蘇白之隄同留姓氏瞻岳
于之墓堪拊末光夏屋數楹春山四面旣神靈之是妥亦浩氣
之長留嗚呼千載之名付諸史氏百僚之感有此偉人卜築宏

規用彰崇德報功之典摩挲片碣定起頑廉懦立之風

前題

黃巖 袁建榮 星誌

當紅巾噴霧之晨壓城而黯飛妖讖以黃綬歌風之秩盡室而
僭作國虜視裘屨馬革爲尤難知留采豹皮之不朽如少府林
公者其人矣公諱汝霖閩之上杭人裴子餘代著聲華趙元亮
幼敦氣節鄉校阻三升之選法曹營五斗之餐咸豐九年以上
官命權仁和縣典史出山遠志不嫌小草之稱聽鼓聞身祇對
長松而歎仕兼吏隱民頌神明無何妖鳥沸自羅平封狼馳於
都會紅羊黑劫灰土彌天白馬青絲煙塵匝地公填膺義憤徒

西湖林公祠墓誌

七

成寶劍之篇藉手威權莫請長纓之系屈棲鸞於枳棘無自効
公鸞射鵰之竹枝難爲禦賊乃送七旬之邁父攜二子於外家
蓋已矢與城俱亡之志堅闔門不辱之心矣旣而白髮投纒懷
旣王陵之母紅顏飲刃從容温序之妻傷巢卵之無完合巹妮
而俱盡飛鋒躍地碧血交流會笑問天白虹上貫于時賊已羣
集公肅加朝服端坐堂皇擲半通之銅借作司農朝笏灑一腔
之血竟抽光弼靴刀年三十有一合門六口畢命九泉時庚申
二月日也公歿之次月官軍旣破賊收城當事者修葺廢署得
公屍於堂輿間有故隸某驚曰此故少府林公也顏常山之拳

死而猶握蔣子文之骨久且爲神又後四年浙境肅清大
上其事於

朝贈卹有加命有司卜兆於孤山和靖先生墓側哀公一門之
骨而合葬焉依山結墓面湖爲祠分梅樹之旁枝香依處士薦
菊泉之芳液食配水仙公之報可謂隆矣公之神可以慰矣乃
爲銘曰

人難不死鬼歎稱雄丹心浩氣歎歎林公惟公之生讀書敦節
吾脰可斷膝不可屈舍笑自割佩刀飛鳴天假賊手以顯公名
薄天鍾阜閣尹江南同爲縣尉得公而三鯨鯢旣取忠烈聿旌

西湖林公祠墓誌

六

公之旌魄河獄日星

天子傷公簪纓弗替士民仰公崇封綽楔碧血一區青山千古
凡厥爲臣視茲祠宇

西湖名勝甲於寰宇其尤繫人與感者惟岳于兩少保康
低侗欽仰曾偕錢塘戴文節公與邵位西諸舊雨請彙
朔望祀典昇平後增建忠武王初瘞螺螄山忠顯廟兩
地崇祀至今因之同治丁卯仁和建署識取舊尉闔門
殉節遺骸旣偕寅議立墓於斯庚午代仁和尉又悉初
瘞處尙有義女張秀質尸分七處盡節尤烈復爲補旌
台祀署右永護骸遺之未盡者青塚千年直令城市山
林並增氣節豈天意不欲虛此名區故假手於康以宣揚
偉烈不然取義成仁者安必聚處湖山長爭俎豆於其

西湖林公祠墓誌

八九

間耶然康以古稀之餘猶得從事昭忠祠役謂非餘生
之厚幸歟壬申工竣復爲補撰楹帖以敬紀焉

亘古氣節嘗在人間兩少保立地擎天躋古賢坐位可爭直教
冷暑留祠長湖建廟曠覽名山幸埋忠骨一家人捐身報國對
聖主綱常無忝足壯清臣大義處士先聲

孤山自林文忠公修葺種梅後陳雲伯與許玉年擬增巢居閣外亭臺以憇遊覽載於蘭因集者余心儀之閱四十寒暑矣適上杭林小巖闔門殉節欲遷瘞所乃偕寅友程君步庭就和靖先生瘞鶴隙處陳請憲誼起墓建祠以補陳許二公初願而小巖嗜詩酒善寫梅亦若與處士有夙契者爰撰句以紀韻事桐城吳廷康并書

舊枝新幹晨夕寫真卻從山外青山更長林花撐勁節詩夢酒痕苔岑結契爭羨閣邊高閣永添半壁豔層巒

孤山得處士名餘韻流風豔稱今古山右復虛瘞鶴隙地闕

西湖林公祠墓誌

卒

八百年會仁和村上杭小巖爲處士宗裔闔門殉節遷瘞於斯謂非山林之有以預留此席耶龍飛同治丁卯長夏予與同志吳君康甫諸君募資命男雲驥監督竣工補梅疊石復力籌祭款每於春仲二十七日會合寅友致祭祠墓并以展祀和靖先生撰句紀事猶冀後來同志者永奉瓣香於弗替焉溧陽程鍾瑞

壹片土本屬通家尙友古人繼絕世高踪曾爲補梅寫韻八百年預留此席流水今日想入林把臂應偕舞鶴同歸

讀林少尉墓誌

仁和江 藍蘭圃

水榭花廊次第成埋魂難得在蓬瀛
血腥春草山凝碧骨勁寒梅雪煉清
天爲忠臣留勝地人疑處士卽前生
休將爵秩論官小念卻閻陳莫與京

題少尉林公墓 調寄買陝塘

仁和陳 泃柳堂

慘昏昏陣雲晝霧一城飛血漂杵
貔貅十萬紛逃竄千古只爭一死均
死耳獨罵賊堂堂賊膽登時視全家
赴義喜姊女從容母妻先後成就我
公志悲忠烈何處招魂翦紙東風
唬盡鴉泪天留抔土通僊側骨月一
門同瘞梅香裏時金碧魏祠靈爽
西湖林公祠墓誌

九一

餘生氣何須獻歛羨世爵雲初名山
俎豆大典小臣與

謹題祖姑丈林公墓

錢塘周 祐紫來

論親舊詠葛蘿松恨不曾瞻長者容
厯劫身先拌化鶴報君志未遂從龍
千秋贏得孤山伴一尉榮於萬戶封
多少梅花香遠墓總殊城主住芙蓉

小念卻閻陳莫與京

西湖林公祠墓誌

餘生氣何須獻歛羨世爵雲初名山
俎豆大典小臣與

謹題祖姑丈林公墓

姑丈小巖林公死事記略

錢塘周金組槐卿

慷慨而赴義者豪傑之奇行大僚顯宦往往奮不顧身以謝守
主之責碧血青史亦已照耀千秋矣然猶曰此位尊而分定然
也未有膺一命之榮歷百僚之底光爭日月氣壯湖山如仁利
典史吾姑丈林公之矯矯者公諱汝霖字小巖閩之上杭人父
諱坤字松巖與先大父同官皖江中秋夜宴同僚公年總角挈
尊鼎侍側松巖命對曰月餅圓如月公應聲曰冰糖硬似冰先
大父擊賞曰此子出語不凡異日必成偉器得增如此復何憾
遂以次女字焉既婚公始援例得從九品籤分來浙咸豐六年

西湖林公祠墓誌

九三

粵匪竄入浙境公奉大府檄赴衢城助守歷數月無惰容無畏
色賊退敘公委署南潯巡檢南潯江浙之絲藪仕宦所必爭者
也公之官除奸剔蠹砥礪廉隅握篆一年清風兩袖大府察公
廉且才時省垣戒嚴不欲公外補留公於時暇間以咨守禦策
而又慮限於資格未可使小臣與國是不得已而有仁和典史
之命官雖卑倚畀隆焉庚申二月十九日賊突至公方病憊聞
警卽力疾起從大令李公福謙登陴守禦閱六晝夜城西南隅
陷踉蹌歸跪父前曰兒身已許國今日不死是負君也負君卽
負父也兒職雖卑兒必誓死以報國請老人挈孫出避存宗祀

松巖公初難之公泣請不已姑挈孫四人匿獄中公旋入獄告羣囚曰若不盡死罪今釋若囚泣曰小人平日受我公恩不忍遁願在獄中保護公父及羣公子可乎公領之復入內視太夫人則母姊妻女五人不知何時先自縊喟然曰斯足以成吾志矣乃從容取冠帶南鄉坐左筆硯右餅鬻仲楮磨墨大書一聯云未能矢志勤王事惟有捐軀答 聖朝且書且飲無何賊至公瞠目直視自指其頸曰盍殺我賊笑曰爾小官耳不足膏吾刃舍之去頃之賊大至公飲且罵賊志在財不在公窮搜無獲謂公曰爾嘗金何在可罄囊出貨爾命公回顧積屍兀聲曰是卽所藏金也盍取之賊大怒欲殺公公罵益厲賊從後決公首置案上醜酒於樽若奠祀然拱揖而去越七日賊退松巖公挾四孫自獄出見公首色如生尸僵坐不仆哭而殮之命役舁公屍并殉難眷屬藁葬於署旁隙地是時也重圍內外骸枯積地血漬成渠松巖公知不可留遂挈諸孫渡江而東兩幼孫名泰生潯生者寄育於蕭山祝氏三孫女寄育於紹郡後馬村周氏皆至戚也其次孫女已字吳融村鍾氏登堂而請納焉諸幼稚既得所依復偕長孫懋生次孫涇生旋省寓陸氏莊懋生年十六涇生甫六歲訴父死難事於前撫軍奏 郵主簿銜雲騎尉

世龔次年辛酉春松巖公病歿懋生殮祖畢留涇生守制單騎
從軍誓雪父仇壯哉懋生公肖子也會楊鎮軍金榜駐兵江上
往依之九月賊逼省垣軍潰懋生入於越先叔鶴庭公與之遇
招匿海船旬日偵知包村起義欲伸初志授其營包村陷懋生
殉焉是亦忠且孝者與甲子冬組自吳門歸知懋生死暨陽涇
生不知所之訪寄越諸弟妹杳無蹤歸鍾氏者詢之亦病殤嗚
呼闔門旣死大難而破巢之後復不許一卵之完從軍者死逃
亡者死寄養者亦死一門忠烈靡有孑遺天耶人耶理耶數耶
非組之明所能逆料也事閱廿年復奚望已矣忠臣竟無後矣

西湖林公祠墓誌

七

今年四月涇生忽闖然入予驟見始大驚繼大疑終乃大喜問
所從來則曰初被掠至金陵金陵克爲湘兵李萬才所獲攜往
楚南迫學刺船事去年夏有羅明經霽者來乘舟旁觀舉止不
類榜人子詢顛末郵書來浙達伊叔信北明府訪查誌載相符
稟大憲咨傳始得歸噫公之職僅微員耳何以大節昭昭不脛
而走羽翼而飛流播於數千里而遙是雖公之靈有以呵護之
而羅明經之知涇生爲忠裔則當道縉紳創成祠墓之力爲多
尤賴程明府步庭始終其事也夫有忠祠之建而後得忠嗣之
歸得忠嗣之歸而後忠祠之春秋報祭不至年久而就湮公而

有知當亦銜感於九泉而無憾也夫組一儒生耳雖誼篤潘楊
豈敢以仲武微長表安仁偉烈而公之待組者深且摯有不可
以嘿爾息者公官南潯時組侍先君子館暑中公退食每勗組
曰汝英英頭角勿徒尋章摘句爲酒酣與先君子縱論當世事
輒拔劍起舞時金陵未恢復慨然有擊楫渡江之想初不料未
大用而先盡大節也庚申開篆日折柬招組往課涇生泰生兩
公子組抱疾請緩時日詎知未及三旬已成千古組感公知復
思姑氏烈足增家乘光臨難又未奉片言訣每一念及淚潸潸
下然思公官僅九品未能建高牙樹大纛與名公鉅卿爭風烈
西湖林公祠墓誌

九

惟賴一掬臣心食報於名山俎豆公亦偉丈夫哉是故官不在
大小惟其人人不在顯晦惟其誠中庸曰誠之不可揜如此夫
後之人聞公之風拜公之墓亦可知忠之本乎誠者其爲忠也
大矣謹次其事而爲之記

林君祠墓之役同人以鍾瑞與君舊曾共事會垣遂以相屬

瑞自恐材力未逮而誼不容辭因與同寅諸君卜地於孤山議

集費與工估費甚詎廣為勸募幸蒙當道搢紳暨好義諸君

子輸金樂助計日而集肇工於六年十月初七日若木石若甄

甌若器用若斤斲番鋪坊塤丹堊擔運種植之工計用錢若干

緡且以餘貲并將菊香小青二女士墓加封以表古蹟工甫告

藏適又訪得君父松巖三尹靈柩親詣探訪審視屬實續募經

費而遷葬於君墓之上天畱空穴以待又於仁和捕署忠骸原

葬處立碑以表並刻祠墓圖誌以垂久遠王既竣因備書先後

西湖林公祠墓誌

九

捐助諸公姓字暨支銷各項名目如右惟鍾瑞識見未廣且因

經費不敷布置未能周妥并恐日久風雨傾頽尙望同志諸

君子俯加指示隨時修葺匡其不逮云時在同治八年歲次己

巳仲夏瀨江程鍾瑞謹誌

計開

浙省善後總局司道批給洋五十元

浙江布政使楊印昌濬捐洋二十元

前署浙江按察使林印聰葵捐洋八元

浙江糧儲道英印樸捐洋二十元

升任河南按察使譚印 鍾麟 捐洋八元

前署江蘇市政使吳印 煦 捐洋五十元

署蘇布政使蕭應印 寶時 捐規銀五十兩兌洋六十六元
錢八百五十五文

福建補用道胡印 光鏞 捐洋三十元

前署溫處道陳印 思燭 捐洋八元

張綬卿 捐洋八元 羅力臣 捐洋六元

吳玉堂 捐洋六元 余鼎臣 捐洋六元

陳伯敏 捐洋八元 潘芸臺 捐洋十六元

楊豫庭 捐洋二十元 宗湘文 捐洋二元

西湖林公編墓誌 馮鐵華 捐洋八元 九七

余古香 捐洋六元 戴澗鄰 捐洋四元

甘竹生 捐洋二元 王蓀甫 捐洋八元

朱芸父 捐洋六元 彭貽牟 捐洋四元

朱笏山 捐洋二元 吳晴嵐 捐洋十元

汪時甫 馮雲航 許炳南 以上各捐洋四元

俞允吉 捐洋七十元

楊朗山 杜徵三 趙筱霞 夏湘洲 以上各捐洋六元

汪杏春 王均甫 胥雲稔 陸介眉 以上各捐洋二元

定靜軒 雙立峯 吳子勉 彭雪門 顏谷生 祝仰恬

蔡子貞 陶曉城 以上各捐洋一元

姚季眉 捐洋八十元 明克菴 捐洋六十元

蕭雲史 捐洋六元 陶晴初 捐洋八元

戴幹廷 捐洋八十四元 楊生吾 捐洋十四元

趙紫琳 捐洋二十四元 陳友三 捐洋十元

富南軒 捐洋十二元 陳籽畬 捐洋十元

虞映溪 莊耀采 王友山 陳評堂 戴後舫 陳于南 以上各捐洋八元

西湖林公祠墓誌

九

徐亦木 賀仲肅 郭堯階 羅雨樵 李儀甫 全輯堂

朱朗山 方春坡 陳怡軒 黃曙巖 曾愚哉 以上各捐洋六元

靳嵐友 曾雨人 汪芾庭 華滌初 許修來 郭藕汀

臧可園 王松樵 王西垞 張夢周 潘後圃 朱性之

葉辰溪 史慕韓 黃蓉鏡 林廉叔 王繼堂 朱伯詩

鄧文芬 黃瀛生 王際雲 魏誠齋 張毓階 李印鄰

葉簡庭 雷更生 胡穆甫 吳鞠泉 葉湘文 陳繼齋

王壽芝 吳康甫 張介眉 俞友聲 唐燦如 程步庭 以上各捐洋四元

王牧田 捐洋十元

祝再卷 李豫堂 姚樸菴 以上各捐洋三元

丁稼軒 許鐵山 鄒嶽青 陳仲麟 潘子香 劉蓉生

潘樸亭 韋仙洲 張問樵 沈毓峯 貝康侯 宋煦堂

吳樾黃 邱悟初 徐幼珊 張旭疇 姚再生 費熙臣

王仁山 汪直甫 楊子元 周既菴 鄧鐵山 陳寶珊

周貢甫 錢竹身 黃子珍 朱午峯 張景臣 林石生

虞右銘 陳鑑亭 楊卓峰 張敬甫 楊小齋 溫蔗卿

華紹卿 許耀庭 葉雨穗 邵楫材 葉庚曾 俞繼齋

西湖林公祠墓誌 九九

何彥之 黃筱如 沈脩五 曹子和 李羽阜 史梅村

程少蓉 蔡寶山 任福朝 劉霽軒 易翼橋 宋陶仙

李杏軒 吳秀峯 程易之 以上各捐洋二元

王子勻 沈荐廷 楊也村 儲仲莊 金小酣 蔣梧生

高朱門 萬綠世 龔耕野 晏子貞 宋宣卿 范傳舟

王端甫 秦讓卿 周晴軒 費德甫 胡泉孫 胡艇泉

徐蘭坪 鄭槐軒 劉小芬 鄒子香 黃渭川 張谷生

費叔金 朱丹臣 林東巖 陳月生 余朗山 蘇以莊

丁葵臣 許藕卿 俞馨湖 龔稼生 以上各捐洋一元

滬上閩商共捐洋一百五十八元

衢郡鹽局票商公捐洋二十元

同春和 捐洋五三元 石雲亭 捐錢一千文

錢訃堂 捐銀一兩兌錢一千七百文 厲熹齡 捐送义板外榔一具

以上共捐 洋壹千肆百拾貳元 核錢壹千伍百伍拾叁千貳百文

謹查指簿中 諸公均書雅篆遵照臚列以

存其真合併登明

支銷各款

一製造描龍鈎金洋青金字恭錄

西湖林公祠墓誌

百

諭旨

春秋賜祭大匾並祠內油漆彩畫聯額工料共錢玖拾貳千文

一建造坟前牌坊式墓門壹座石作工料錢壹百拾貳千文

一在仁和捕署堂西 忠骸初葬處豎碑刻字工料錢叁千

肆百文

一移請 忠骸並續扞封翁靈柩上山安葬抬力船金烏樟

石灰香燭祭禮土工飯食共用錢貳拾肆千文

一築 封翁墓前冰紋亂石大勸馬鞍踏步一粒珠坟塚工

料錢伍拾貳千文

一石作陳昌年承辦沿湖大勸埠塚亭基墻腳一粒珠坟塚

等項用折方條石貳百玖拾伍丈連運脚人工每丈計錢
壹百陸拾伍千貳百文

又墓前碑亭內外駁礮蓋口階沿挺心花臺幔地湖邊倉板
六角圈門共用石板玖拾陸丈貳尺連人工運脚每丈計
錢伍拾玖千肆百拾陸文

又祠墓傳記楹聯碑文七塊石刻工料錢壹百陸拾肆千文
又礮盤石鼓鑿空欄杆獅頭石柱祭棹条欂花鼓坐墩一切
石器共用工料錢捌拾肆千文

一石礮內填塚大塊石玖拾貳船每船人工船錢計錢肆拾
伍百陸拾文

西湖林公祠墓誌

百一

玖千柒百貳拾文

一開山打椿填路清理金鈎土工共錢伍拾肆千文

一木作周嘉隆承造四角法戲殿亭式祠屋三面夔龍風窗

簷下坐屏欄杆後軒靠身扶欄天花幔板牛腿花角墓前

竹節欄杆鐵釘鐵器一切裝摺工料錢貳百玖拾捌千文

一泥作姚阿坤承辦法圈墳頂三面墻垣千金後墻實砌坐

屏磚瓦石灰紙筋膠煤泥草顏色並墻礮下腳打夯等項

共用工料錢壹百玖拾伍千文

一祠四鋪地方磚泥沙工料錢拾肆千文

一給開工上樑香燭祭禮並各匠犒賞往來乘坐湖船等項
共錢拾陸千捌百文

一置辦刻字神牌襍木雕花神龕神前玻璃紅木風燈季紅
香爐靠椅茶几藍粉坑床花結坑棹踏腳痰盒玻璃方燈
亭角風鐘一切器皿傢伙共用錢陸拾肆千玖百文

一刻印祠墓誌板片紙工共錢伍拾貳千文

一栽種紅綠梅花松柏冬青等樹共錢貳拾陸千捌百文
一湖沿松椿錢叁千叁百文

一募前蛋石砌地並修補放鶴亭等處匠工錢肆千肆百文

西湖林公祠墓誌

百三

一折改道士廚房爐灶泥木各作工料錢拾捌千文

一折修士女菊香古墓名蹟及補砌放鶴亭一帶道路湖步
石作工料錢拾肆千文

一送巢居閣道士吳良玉酬應茶水勞金錢拾千文

一搭彩匠蔴皮工料錢貳千捌百文

一週圍毛竹格漏三面遮陽篔簹工料錢陸千肆百文

統共支銷錢壹千伍百捌拾陸千壹百叁拾陸文

除收捐資錢壹千伍百伍拾陸千柒百伍拾文

計有不敷錢貳拾玖千叁百捌拾陸文

前項不敷錢文業由 鍾瑞 捐補工竣惟該處依山

濱湖四面皆空風雨傾頽恐難經久尚望同志

諸君子募捐祠產以資歲時修葺春秋祭饗俾綿

亘久遠永垂不朽則

忠魂在天當默佑

大德不已也

光緒五年夏月捐資重修收支各欸

前署按察使唐 捐洋叁拾元

邢印中 捐洋拾元

西湖林公祠墓誌

姚季眉 捐洋拾元

貝康候 捐洋拾元

陳蘭舫 捐洋拾元

吳康甫 捐洋肆元

蔣羅生 捐洋貳元

胡心言 捐洋貳元

姚樸菴 捐洋貳元

居心田 捐洋壹元

仰懷之 捐洋壹元

程步庭

捐洋肆拾元

以上共捐洋壹百貳拾貳元

一支木作修補門窗欄杆坐屏器具等項工料洋拾捌元伍角

一支添配鐵鈎鐵器鐵釘等洋壹元玖角

一支磚瓦并船力洋肆拾捌元伍角

一支石灰膠泥顏料等洋玖元叁角

一支泥作人工并小料等洋叁拾貳元

一支石作修砌埠梁石欄階沿鉄煞工料洋叁元陸角

一支金鈎匠鋪地擁墳清理垃圾人工洋貳元捌角

西湖林公祠墓誌

萬

一支油漆彩畫並修補匾聯工料洋拾貳元捌角

以上共支銷洋壹百貳拾玖元肆角

計不敷洋柒元肆角由步庭捐補工竣

光緒六年忠齋林涇生由楚來浙辦理承襲並奉 兵部駁取

上杭原籍供結赴閩往回川資等費捐助諸公芳名於左

計開

梁敬叔

助洋拾元

趙淡如

助洋貳拾元

姚季眉

助洋拾陸元

